







59  
2







尚友錄四卷

閩綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

張任鄭 若虔

孫 張任郎 夢選 校正

張任郎 夢選

陳 穎川徵音周武王封舜後  
胡公滿於陳以邑爲氏



陳良

周楚產也悅周公仲尼之道北學于中國北方之學者未能或之先也

陳仲子

周齊人其兄戴爲齊卿食祿萬鍾仲子以爲不義携妻子適楚居於陵自謂於陵仲子窮

不苟求乏糧三日乃匍匐而食井上李實之蟲者三咽而能視聽身自織履妻辟纊以易衣食楚王聞其賢欲以爲相遣使持金百鎰聘之仲子入謂妻曰楚王欲以爲相今日爲相明日結駟連騎食方丈于前意可乎妻曰夫子左琴右書樂在其中矣結駟連騎所安不過容膝食方丈于前所甘不過一肉今以容膝之安一肉之味而懷楚國之憂亂世多害恐先生不保命也于是出謝使者遂相與逃去爲人灌園



陳

倉

周秦穆公時掘地得一物似豬羊形倉以獻公道逢二童子因此媼也在地食人腦欲殺

之先用栢木捶首媼曰此童子曰陳寶得雌則

王得雄則霸倉舍媼逐童子童子化為雉入林

中言於公公大獵得其雄化為石置汧渭之間作陳寶祠

為石置汧渭之間作陳寶祠

陳

勝

周字涉陽城人嘗與人傭耕息於壠上曰苟富貴無相忘傭者曰若為耕傭何富貴也勝

歎曰燕雀安知鴻鵠之志哉遂舉兵稱

扶蘇項燕自立為將軍後為其御所害

陳

嬰

秦本東陽令史居縣中素信謹東陽少年殺其令欲立嬰為王嬰母謂曰自我為汝家婦

未聞汝先有貴者今暴得大名不祥

不如有所屬嬰乃止後相楚懷王書美吹張王



陳

平

漢字孺子陽武人少家貧好讀書美如冠玉有田三十畝兄伯常耕與平游學後佐高祖

定天下凡六出奇計未遇時里中社平爲宰肉父老曰善陳孺子之爲宰曰便平得宰天下亦如此肉及長無與婚者里有富人張負女孫五嫁夫輒死負至平家以席爲門門外多長者車轍負謂子仲曰豈有美如陳平而長貧者乎遂以女孫嫁之偕老官至右丞相曲逆侯

陳

咸

漢字子康萬年子爲郎有異才抗直數言事元帝時擢御史中丞累官冀州刺史後爲尚

書上莽專政誅何武鮑宣咸喟然歎曰吾可以逝矣卽乞骸骨去父子相與歸鄉里閉門不入猶用漢家祖臘或問之答曰我先祖豈知王氏臘乎戒子孫曰爲人議法當依於輕雖有百



金之利慎  
勿與人重

陳

寵

漢字昭公咸曾孫父躬事光武爲廷尉寵明習家業肅宗時爲尚書是時承永平故事政

尚嚴切寵上疏請濟之以寬是後風俗和平屢有嘉瑞歷守三郡所在有績官至司空寵雖傳法律而兼通經書奏議溫粹號爲稱職

陳

綱

漢字仲卿少與同郡張宗同受學南陽及綱以母喪歸宗爲安衆劉元所殺綱免喪復往

刺

南陽值元醉臥遂殺之  
自拘有司會赦得免

陳

琳

漢字孔璋廣陵人初爲何進主簿後歸曹操操愛其才軍國書檄多出琳手操先苦頭風



是日疾發臥讀琳所作翕然起曰此愈我病數加厚賜官至門下督琳建安七子之一也

陳

容

漢射陽人隨臧洪爲東都丞洪被執於袁紹將死容曰將軍舉大事而先殺忠義可乎紹

慙使人牽出容顧曰仁義豈有恒所蹈之則君子背之則小人今日寧與臧洪同死不與將軍

刺

同生遂

見殺

陳

登

漢字元龍下邳人許汜嘗與劉玄德共論人物汜曰元龍湖海之士豪氣未除劉問故汜

曰昔過下邳見元龍無主客禮自上大牀臥使客臥下牀劉曰君有國士名而不留心救世乃求田問舍言無可采是元龍所諱也如我自當臥百尺樓上臥君子地下何但于上下牀間哉



陳

湯

漢字子公山陽瑕丘人仕爲郎使外國僑制發兵斬郅支單于後賜爵關內侯西域都護

段會宗爲烏孫所圍朝用湯議解其圍 雄向

曰懸旌萬里之外揚威崑山之西自漢以來征

伐方外之將

未之有也

陳

俊

漢南陽西鄂人少爲郡吏從光武擊銅馬五校短兵所向必破斬其渠帥光武嘆曰戰將

盡如是吾何憂哉

以功封祝阿侯

陳

靖

漢餘干人幼慷慨有大志王莽篡漢靖忿恨聞王常起曲阿率義兵赴常署爲中牙典軍

校尉甚得江湖間心光武時拜散

騎常侍以母老乞歸封餘干侯



陳遵

漢字孟公杜陵人哀帝末以功封奮威侯性好客每會飲取客車轄投井中雖有急不得去善書凡與人尺牘衆皆珍藏之初爲京兆史列侯有與同姓字者每至入門坐中莫不震動旣至而非因

號曰陳驚座

陳

重

漢字景公宜春人少與鄱陽雷義最密舉孝廉爲郎有同署郎負息錢數十萬債主日至

重密爲代還終不言惠與義俱拜尚書郎義黜重亦以病免復舉茂才爲細陽令政有異化遷

會稽

太守

陳

臨

漢字子然香山人爲蒼梧太守推誠而理嘗有殺人者爲吏所獲臨知其無嗣令其妻侍



獄中後產一男郡人歌曰蒼梧府君惠及死能令死人不絕嗣

### 陳安世

漢京兆人稟性慈仁家貧爲權叔本家傭賃叔本好道有二仙人託爲書生從叔本遊叔本意怠二仙曰幾成而敗矣見安世篤實曰汝好仙乎曰好二人與約明日早會大樹下三期皆早至乃以藥二丸與之服不復食但飲水叔本知其得仙反師事之後安世白日昇天

### 陳稚升

漢蒼梧太守政事多暇嘗臨水釣魚民醇訟簡與之相安

### 陳寔

漢字仲弓桓帝時爲太丘長在鄉里平心率物其有爭訟輒求判正衆歎曰寧爲刑罰所加不爲陳君所短嘗夜讀書有盜止梁上寔呼子爲謂曰不善之人未必本惡習與性成遂至



于此梁上君子是已盜驚投地稽首歸罪寔曰  
當由貧困所致遺絹二匹遣之 嘗詣荀淑使  
長子元方將車季方執杖孝先長文尚幼坐車  
中旣至荀使叔慈應門慈明行酒餘六龍下食  
文若尚幼坐膝前是夜德星聚明日太史奏五  
百里內有賢人聚卒諡文範先生 客有問陳  
季方足下家君太丘有何功德而荷天下重名  
季方曰吾家君譬如桂樹生泰山之阿上有萬  
仞之高下有不測之深上爲甘露所霑下爲淵  
泉所潤當斯之時桂樹焉知泰山之高淵泉之  
深不知有功德與無也 中常侍張讓母死名  
士無至者讓深耻之寔獨往弔後黨人之禍寔  
自獲免善類得其保全者頗多長子紀字元方  
次子諶字季方與父寔並著高名時號三君元



方子長文季方子孝先各論父功德咨於祖太  
丘太丘曰元方難爲兄季方難爲弟 太丘與  
友期行期日中過中不至太丘舍去去後乃至  
元方時年七歲門外戲客問元方尊君在不答  
曰待君久不至已去友人怒曰非人哉與人期  
相委而去元方曰君與家君期日中日中不至  
則是無信對子罵父則是無禮友人慚下車引  
之元方入門不顧

陳

蕃

漢字仲舉汝南平輿人年十五獨處一室庭  
宇荒蕪父友薛勤候之謂曰孺子何不灑掃

以待賓客蕃曰大丈夫當掃除天下安事一室  
勤甚奇之爲樂安太守時郡人周璆高潔士也  
蕃字之而不名旣遷守豫章不接賓客惟徐穉  
來特設一榻去則懸之後拜太傅與大將軍竇



武謀誅宦官反爲所害蕃旣被害郭林宗哭之于野慟旣而歎曰人之云亡邦國殄瘁瞻烏爰止不知于誰之屋

陳

農

漢成帝河平三年以中祕書散亡使謁者陳農求遺書於天下詔光祿大夫劉向校之

陳

矯

三國東陽人魏明帝時爲尚書令帝嘗至尚書門矯跪請曰陛下欲何之帝曰欲按行文

書耳矯曰此臣職非陛下所宜臨也帝乃命回車其直亮如此

陳

泰

三國字玄伯高貴鄉公時爲尚書右僕射大將軍司馬師弑帝太傅司馬孚并泰枕帝尸

於股號哭盡哀大將軍入禁中泰見之悲慟大將軍亦相對泣謂曰玄伯其如我何泰曰獨有



斬賈充少可以謝天下大將軍久之曰卿更思其他泰曰豈可使泰復發後言遂嘔血薨

陳

壽

晉字承祚巴安漢人少好學師事同郡譙周張華愛其才舉孝廉除著作郎撰三國志六

十五篇時人稱其善敘事有良史之才又著耆舊傳十餘篇行于世

陳

達

晉寔六世孫永嘉中爲長城令有惠政嘗謂所親曰此地山水秀麗當有王者興二百年

後我子孫必鍾斯運遂家焉後十世孫霸先受梁禪爲帝

陳

遺

晉吳郡人性至孝母好食鰠底焦飯遺作郡主簿恒裝一囊每煮食輒貯錄焦飯歸以遺

母後值孫恩作亂吳郡袁府君崧卽日便進征遺已聚得數斗焦飯未及歸家遂帶以從軍戰



於漚瀆而敗軍人潰散逃走山澤皆多餓死遺  
獨以焦飯得活人以爲純孝之報也母晝夜號  
泣目爲失明耳無所聞遺還入戶再拜  
號咽母豁然卽明後又爲河南孝廉

陳方期

晉字長年以孝行稱太康中辟爲功曹不就  
親喪號泣幾滅性一日假寐若有人曰無益

存亡願擇出處

旣寤終身不仕

陳慶之

南北義興國山人幼從梁武帝甚見親賞爲  
武威將軍後除假節總知軍事與魏兵相持

各數百戰魏人犄角作十三城慶之陷其四壘  
復鼓噪攻其九城斬獲殆盡二子昕暄俱有名  
長子昕字君章七歲能騎射十二隨父入洛  
還都詣鴻臚卿朱异异訪北間事昕聚土畫城



指揮分別异甚奇之慶之在懸瓠魏營將堯雄  
于寶樂恃其驍勇求單騎校戰昕躍趣寶樂雄  
卽潰散太清二年侯景圍歷陽昕爲重將軍騎  
未及下渚爲景所擒使其儀同范桃棒嚴禁之  
昕因說桃棒歸降許之遂立盟射城中景邀得  
之逼昕更射昕不從遂遇害 次子暄學不師  
受文才俊逸尤嗜酒其兄子秀嘗憂之暄與秀  
書曰吾旣寂寞當世朽病殘年若不日飲醇酒  
復欲安歸汝以飲酒爲非吾以不飲酒爲過吾  
平生所願身沒之後題其墓云陳故酒徒陳君  
之神道若斯志意豈避南征之不復賈誼之痛  
哭哉速營糟丘吾將老焉太康中徐陵爲吏部  
尚書暄直上陵坐陵不之識命吏持下暄徐步  
而出舉止自若後主在東宮引爲學士及卽位



遷通直散騎常侍後主甚親暱而輕侮之嘗倒懸于梁臨之以刃命使作賦仍限以晷刻暄拔筆卽成後傲弄轉甚後主不能容暄發悸而死

陳

奇

南北河北人少孤奉母至孝博通諸經於易尤邃常非鄭玄馬融解經失旨因作注釋與河間邢祐同赴召補祕書太尉高允曰奇通識遠致非凡學所及其爲名流見知如此

陳

茂

隋質直恭謹文帝引爲僚佐待遇甚厚嘗從帝與齊師戰於晉州賊甚盛帝將挑戰茂固止不得因促馬鞭帝怒拔刀斫其額流血被面辭氣不撓帝感而謝之

陳元敬

唐梓州射洪人弱冠豪俠歲饑嘗散粟萬斛以賑鄉里後以明經擢第拜文林郎武后居



攝遂山棲茹木而終 子子昂字伯玉文明初  
舉進士上書言事武后奇其才擢麟臺正言累  
遷右衛參軍唐之文章至子昂始變雅正王適  
稱爲海內儒宗 昂初入京未遇有賣胡琴  
者價百萬豪貴傳示無辨者子昂輦千緡市之  
衆驚問曰余善此樂明日可集宣陽里衆如期  
飲畢笑曰蜀人子昂有文百軸碌碌塵土不爲  
人知此樂賤工耳豈足留心舉琴碎之以文軸  
徧贈會者一

日名震京師

陳叔達

唐字子聰武德初判納言嘗賜葡萄不舉  
帝問之對曰臣母病渴求不能致願奉之

陳巖

唐字夢臣建寧縣人慷慨有智略乾符間黃  
巢轉掠福建諸州巖聚衆數千號九龍軍保



鄉里巢不能爲害時邑爲黃連鎮巖表爲寧義軍置鼓角賜牌印巖剪餘寇撫安鄉井境內賴之中和四年福建觀察使鄭鑑表巖自代巖爲治有威惠吏民懷服

陳道明

唐睦州人日織草履鬻以養親又於開元寺潛作屨施行路者人號陳蒲鞋黃巢兵犯境

一郡洶洶明戒勿憂織大草屨命標之三十里外巢軍竭力不能舉巢曰有大聖人在此乃捨城去民免兵難壽九十八端

坐而逝宋賜號悟空禪師

陳

詡

唐字載物貞觀中及第三府交辟德宗覽奏異之詡以文章名於時官終戶部員外郎知

制誥有詩集十卷子

字廣裕亦及第



陳利貞

唐幽州范陽人初爲平盧將從李光弼征安祿山累遷太子賓客封靜戎郡王李希烈叛

利貞出奇兵橫擣賊鋒朱泚反麾下欲從亂畏其勇乃止德宗嘉之擢汝州防禦使

陳京

唐桐廬人有制行親喪廬墓刺史蕭定上言詔表其門時人目所居鄉曰至德里曰如曾

陳饒奴

唐饒州人年十二父母併亡寡弱居喪又歲饑或勸其分弟妹可全性命饒奴流涕丐訴

不忍離散衆爲感動刺史李復給資儲署其門曰孝友童子

陳岳

唐王筍人累官南昌觀察判官著唐書自高祖至穆宗爲統紀一百卷子濬仕楊吳爲翰

林學士撰吳

錄二十卷



陳

貺

五代閩人志操古朴不苟仕進居廬山三十年學者多師事焉南唐主以幣致之貺布裘

鹿轡進止閒雅因獻景陽臺懷古詩南

唐主稱善欲授官固辭賜粟帛遣還

陳

陶

五代劔浦人結廬西山吟咏自適殊有佳語如中原不是無麟鳳自是皇家結網疎之句

人所稱道陶操行高潔郡守嚴譔欲試之遣小妾蓮花往視陶竟夕不納妾獻詩曰蓮花爲號玉爲腮珍重尚書遣妾來處士不生巫峽夢空勞雲雨下陽臺陶答云近來詩思清於水老去風情薄似雲已向昇天得

門戶錦衾深愧卓文君

陳

搏

五代字圖南真源人隱居華山寢處百餘日不起嘗乘白驢欲入汴中塗聞太祖登極大



笑墜驢曰天下自此定矣太宗名以羽服見于延英殿宋琪問脩養之道搏曰假令白日昇天何益于世今君臣同德興化勤行脩煉無出于此帝益重之賜號希夷先生又自號扶搖子方四歲戲渦水側有青衣嫗抱置懷中乳之聰悟日益入武當山辟穀鍊氣二十餘年徙居華山雲臺觀周世宗召至禁中賜號白雲先生宋太宗再召辭曰九重仙詔休教丹鳳銜來一片野心已被白雲畱住端拱初命弟子張超鑿石爲室化形蓮花峰下搏嘗曰優游之地勿久戀得志之地勿再往聞者以爲至言

陳

恕

宋字仲言南昌人少爲縣吏折節讀書第進士通判澧州以吏幹聞召爲三司判官累遷



鹽鐵使太宗深器之官至尚書左丞封晉公

恕爲戶部郎時真宗命條具中外錢穀以聞恕  
曰陛下富于春秋若知府庫充實恐生侈心臣  
不敢進嘗知貢舉首薦王曾歎曰名世才也時

號知

人

陳省華

宋閬中人智辯有吏幹初仕孟昶爲西水尉  
蜀平歸宋累官光祿卿拜諫議大夫卒贈太

子少師封秦公三子堯叟堯佐堯咨每賓客至  
三子衣金紫侍立客求去秦公曰此兒子輩天

下以秦公教子爲法陳氏世家爲榮長子堯

叟字唐夫端拱初登進士第一累官同平章事

後以右僕射知河陽卒諡文忠堯叟偉姿貌奏  
對明辯久典機密軍馬之籍悉能周記所著有



請盟錄三集 次子堯佐字希元進士及第官  
至叅知政事同平章事以太子太師致仕卒諡  
文惠爲人寬厚儉約好學不輟善古隸尤工詩  
自號知餘子所著有文集三十餘卷 季子堯  
咨字嘉謨精於弧矢自號小由基咸平中進士  
第一爲知制誥出守荆南其母馮氏問曰汝典  
名藩有何異政咨曰州當孔道客以堯咨善射  
無不歎服母曰汝父教汝以忠孝輔國家今不  
務異政善化而專卒伍一夫之技豈汝先人之  
意耶以杖擊之金魚墜地卒謚康肅子述古篤  
學能文官至

館閣校勘

陳

漸 宋堯叟從子少以文學知名太宗時嘗與父  
堯封同廷試漸中第辭不就願擢其父許之

尚友錄

卷四 陳

十二



後累官耀州節度推官有文集十五卷自號金龜子

陳

侃 宋字君和永嘉人居建牙鄉事親至孝親有疾省侍嘗藥夜不解衣喪盡禮五世同居

家無異爨至道二年郡守何蒙上其事太宗嘉之詔旌表其門閭曰孝門陳君賜其母李氏束

帛秔米祥符七年侃卒今建

牙鄉猶稱其門曰陳孝門

陳

綱 宋字舉正泉州同安人淳化中第進士爲建州觀察推官故事歲春夏間率丁夫數萬爲

採茶之役綱以爲奪民時勞民力奏請以北苑園供御之外餘皆賦民收其租入在民者官復

定其直償之詔如

所請建民德之



陳謙

宋字益之永嘉人累官寶謨閣侍制著兩漢精義及春秋解等書

陳彭年

宋南城人博聞強記年十三著皇綱論萬餘言真宗時上表獻箴詳練儀制真宗器重之

一日賜坐便殿對甚從容上因問墨知墨充是何人彭年曰伯夷叔齊也上問見何書曰春秋少陽卽令祕閣取此書既至令于第幾版尋檢果得之上甚喜累官兵部侍郎未幾擢爲執政

諡文僖

陳

競

宋德安人十八世同居太宗旌表其門世號義門陳氏弟旭拜江州助教

陳

烈

宋福州人爲人介僻孝友居親喪勺飲不入學行端飭動遵古禮從學者常數百仁宗朝



歐陽脩薦之名爲國  
子監侍講辭不至

陳

芳

宋河陽人一門十四世同居三百年孝義  
爲時所重芳仕爲大理寺丞詔旌表其門

陳

洙

宋字思道建陽人登進士第歷殿中侍御史  
嘉祐中上疏助司馬光乞早建儲嗣且曰陛

下以臣懷異日之圖莫若殺臣之身用臣之言  
疏方上卽飲藥以卒奏下大計遂定仁宗聞洙  
死賜錢百萬元祐初  
用光之言官其一子

陳知柔

宋字體仁溫陵人自號休齋居士在天台乘  
安輿徧遊名山歸至會稽愛巖壑之秀畱止

二年罷賀州歸畱惠易三年暇日泛湖登白鶴  
峰追和東坡詩陶寫羅浮風物殆盡凡四奉祠



諸生受業戶屢嘗  
滿姪模楷皆登第

**陳之奇**

宋字虞卿吳人其母丁謂妹謂欲授以官之  
奇不赴後官中允卽乞歸每出行小兒必斂

容曰此陳君子也四方賢士至吳則相造  
請與胡瑗蘇舜欽爲友時號吳下三賢

**陳從易**

宋字簡夫晉江人天聖三年知廣州罷任還  
不蓄南物仁宗聞之擢知制誥御書清字以

賜之元豐中從易外孫蘇頌知滄州陞辭語及  
親戚畱京師未能偕行上問卿母誰氏對曰故  
龍圖直學士陳從易之女因及前  
事神宗曰其清節過於馬援矣

**陳道周**

宋潭湘人少孤貧奉母至孝母歿廬墓自陶  
磚日成五枚歷四年斃墓高三丈墓成而道



周繼亡附葬母傍  
鄉人立碑表之

**陳希亮**

宋字公弼青神人幼孤好學其兄使治息錢  
希亮悉召逋家焚其券天聖中舉進士歷知

數府州累官太常少卿以才幹剛直名長子忱  
度支郎中次子恪滑州推官三子恂大理寺丞  
季子慥字季常寓居黃岡號方山子又號龍丘  
子有隱名以溪山自娛初與東坡同學於道士  
張易簡後東坡謫居黃州與  
之往來倡和爲作方山子傳

**陳汝錫**

宋字師子青田人幼穎悟數歲能屬文或以  
其詩一聯示黃庭堅曰閒愁莫浪遣畱爲痛

飲資黃擊節稱賞曰我輩人也紹聖四年由太  
學登進士第邑之登第自汝錫始崇寧間諸路



學事始置提舉首除提舉福建學事官至浙東  
安鎮使有鶴溪集刊于郡齋子棣以父任終通  
判潭州著蒙隱

集刊于宜春

陳如晦

宋字日昭長樂人幼嗜學貫穿經史從勉齋  
黃榦遊嘗讀西山真德秀夜氣箴作曰須見

得冬爲四時之夜夜乃一日之冬便是自家嚮  
晦入息處又見得造化發育之妙便是自家事  
物周旋處於此敬慎夾持動靜交養則兩得之  
矣遂次其韻爲生意箴後西山得其箴亟稱賞  
焉一時耆德鉅公

樂與晦爲道義交

陳起宗

宋字興祖少入上庠連冠多士一日歸省囑  
同舍生投試卷起宗治書同舍嫉之輒易以



周禮試復第一年三十七以徽猷閣學士知并州卒起宗工詩瀟灑有陶謝風

陳世脩

宋恭公執中之姪恭公生日親屬多獻老人星圖世脩獨獻范蠡遊五湖圖且贊曰賢哉

陶朱霸越平吳名隨身後

扁舟五湖公卽日納節

陳易

宋字體常少好學該綜經史工詩熙寧初遊京師會太學秋試諸生競求舉易以爲非吾

所以學卽棄去乃從佛氏之徒論出世法有所契就邑蔡溪之左結廬而處遠葷絕慾日惟一飯遇風雨溪漲則併一盂飯間經旬不食易亦自若如是者五十年不變嘗曰性命之理儒與

釋一也顧爲教不同耳崇寧初舉遺逸又舉八行郡守郭重致禮聘易易謝牋曰早粗脩於八

行晚但了於一心心既本無行亦何有重不敢  
強易嘗傳易學於仙遊張弼自謂有得又旁涉  
五行鑒卜地理之術善筆札作文必精警平生  
無忤視妄言教人必本於孝弟其接朋友或終  
日不交一談或語莊老釋氏疊疊不倦蓋隨  
其興意所至人莫得而測也宣和八年卒

陳

經

宋字正甫安福人慶元中進士官終奉議郎  
泉州泊幹經嗜書成癖啓益後學爲多有書

解五十卷及詩講  
義存齋語錄行世

陳

敏

宋無錫人舉進士知台州朝命立元祐黨籍  
碑敏不肯立監司促之急敏曰誣司馬相公  
爲奸臣是無天也倅立之敏碎其石或咎敏敏  
曰我死且不辭何彈劾之畏遂掛冠去後以八



行薦不起

陳師道

宋字無已彭城人少刻苦問學高介有節諸經皆有訓傳於詩禮尤邃苦吟每枕上覓句

或累日不起其爲文師曾輩爲詩宗黃庭堅平淡雅奧自成一家家酷貧傳堯俞嘗懷金贈之見其詞色不敢出元祐中蘇軾輩薦其文行除本州教授累遷祕書省正字從徽宗郊時天寒趙挺之與一裘無已嫌其貪污卻之而凍死

陳與義

宋字去非洛陽人天資卓偉政和間上舍甲科累官太學博士徽宗見所賦墨梅詩有見

晚之歎紹興中拜翰林學士遷叅知政事其出處氣節文章翰墨卓然可稱所著有簡齋集行

世

陳朝老

宋字廷臣政和人元符末爲太學生論事剴切臺諫受蔡京風旨以狂妄目之六觀三年以何執中爲左僕射朝老上書曰陛下卽位以來凡五命相有若韓忠彥之庸懦曾布之賊汚趙挺之之蠢愚蔡京之跋扈今復相執中執中碌碌常質初無過人天下敗壞至此如人一身臟腑受沴已深豈庸醫所能起乎執中夤緣攀附致位二府固已大幸遽俾之經體贊元是猶以螭負山多見其不勝任也宣和末與陳東等上書論蔡京等編置道州建炎改元遇宥歸耕石門紹興間三詔徵之堅辭不赴學者稱曰陳三詔



陳

禾

宋字季實鄞縣人元符中進士累官殿中侍御史遷左正言立朝有風操嘗奏對論童貫不已徽宗欲起禾引帝衣願畢其說衣裾落帝曰正言碎朕衣矣禾曰陛下不惜碎衣臣豈惜碎首以報陛下帝色變曰卿能如此朕復何憂卒謚文介

陳公輔

宋字國佐臨海人政和三年上舍及第調平江教授累官至禮部侍郎端方之操始終不

渝爲諫官論書剴切疾惡如仇晚居田里著書自樂有文集二十卷奏議十二卷子夷行登進

士治行

高潔

陳

東

宋字少陽丹陽人倣儻負氣宣和末在太學上書論蔡京童貫王黼夸彥梁師成朱勔六

人且曰此六賊者異名而同罪伏願陛下擒之  
肆諸市朝傳首四方以謝天下欽宗嘉納之至  
高宗南渡復力陳請相李綱罷黃潛善汪伯彥  
二人誣以訕上殺之東初未識李綱特以國家  
故爲之死識與不識皆爲流涕及汪黃貶逐高  
宗悔悟追贈祕閣脩撰官其親屬一人卹其家  
襄宋字述古侯官人初爲浦城簿民有失物者  
捫之輒有聲乃引偷兒詣鍾所陰使人以墨塗  
鍾以帷藉之令偷兒一暗摸出驗其手皆有  
墨惟一人無墨訊之乃服遂按之累遷判尚書  
都省論青苗法不便乞貶王安石呂惠卿請罷  
韓絳政府以杜大臣爭利而進者風節凜  
然嘗使契丹不屈學者稱爲古靈先生

陳

襄



陳叔易

宋初與晁以道俱隱嵩山叔易赴召晁以詩送之云處士何人爲作牙盡攜猿鶴到京華

故人巖壑應惆悵六六峰前只一家

以道宣和間領郡人復以此嘲之

陳剛中

宋字彥深侯官人性慷慨敢論事胡銓以劾秦檜貶昭州剛中啓曰知無不言願借尚方之劍不遇故去聊乘下澤之車檜怒遂與張九成同謫客死貧不能葬士論惜之

陳至道

宋字元和號野雲崇高節至孝養親不仕親歿終身初度閉門杜客必躬酌松楸戀戀盡日不能返以詩鳴後隱香嶺得道上昇爲冲和大仙人號詩仙

陳可大

宋字齊賢仙遊人父汝器喜積善一夕飛錢滿其室祝曰願一子光顯門閭乞錢減半可

大政和中登科調漳州工曹兼右拾後知肇慶府民不能欺去郡之日唯衣衾書藉而已官終

朝請

大夫

陳康伯

宋字長卿戈陽人以直節忤秦檜家居十餘年檜死拜尚書左右僕射性沉靜明敏語不

妄發嘗謂大臣當盡公若佞阿植黨鄙夫所

每勸高宗蚤爲兵備因奏曰金狄敗盟天人共

憤今日之事有進無退聖意堅決則將士之勇

自倍帝嘗謂輔臣曰康伯有器量其從容不迫

可比晉謝安

卒封信國公

陳

瓘

宋字瑩中沙縣人登進士徽宗朝爲右正言以論蔡京蔡卞連謫通台楚州瓘平生論京



予皆披擿其處心發露其情慝故爲京所忌恨而得禍最酷嘗論曾布專權貶居合浦杜門謝客摘子史中有關係者卽錄粘于壁久之合爲一卷名曰壁記或問游酢以當今可以濟世之人酢曰四海人才不能周知以所識知陳了翁其人也

在楚州病發劉安世使人勉以醫藥自輔曰天下將有賴于公當力加保養以待時用卒于楚州追贈諫議大夫謚忠肅自號了翁所著有兩漢議論八十卷尊堯集十二卷子正彙在杭訟蔡京有動搖東宮之迹杭守蔡嶷執正彙送京師蔡京黨李孝壽坐以所告失實流之海上

陳

淵

宋字分默權兄孫自少穎悟於書無所不讀師楊時時稱其深識聖賢旨趣且妻以子高

行已立朝爲監察御史遷右正言其

陳祥道

宋清縣人元祐中爲太常博士終祕書省正字著禮書一百五十卷弟賜應紹聖制科累

官至禮部侍郎

著樂書二十卷

陳德豫

宋字子順連江人少好學博通六藝諸子百家之旨淳熙中登進士甲科調建州戶曹試

教官首選分教宣城郡學舊有二程遺文時禁程氏學令焚毀之德豫護藏唯謹改京教累遷諸軍糧料院歲旱求言德豫上封事以諱天變諱人言爲致旱之由乞去二諱以回天變上嘉納之又累遷著作郎會胡僧入覲錫予甚豐乃歷陳梁武之失異端邪說不足信卽日有旨出



胡僧於國門之外官至大理卿有文藁三十卷

陳

栢

宋平易人政和中進士權禮部侍郎寬洪蘊藉以誠接物而淡於榮利自號無相居士有

文集子汝楫汝賢汝諧

孫峴俱以辭學擢第

陳俊卿

宋天資忠孝清嚴好禮在朝正色立言無所顧避凡所奏請關治亂安危之大者其立意

一以先哲爲法孝宗因射傷目俊卿切諫有云誠能任智能之士以爲腹心仗武猛之將以爲爪牙明賞罰以鼓士氣恢信義以懷歸附則英聲義氣不出樽俎之間而敵人固以逡巡畏懾於千里之遠尚何待馳射於百步之間哉時以爲名言子必以父任監進奏院慷慨盡言遷

軍器監簿又言三事謂人主之德貴乎明大臣之心貴乎公臺諫之言貴乎直後直祕閣卒所著有春秋三傳抄續通鑑綱目唐史贅疣等稿

陳

均

宋字平甫俊卿從孫安貧力學以累舉當奉奏對不就叅稽宋史及司馬氏稽古錄徐氏

國紀李氏續通鑑長編諸書用朱子綱目義例提要備言輯成宋鑑舉要備要二書起太祖建隆庚申迄寧宗嘉定甲申凡八十八卷端平初時宰言於朝下福州取其書賜迪功郎不受

陳

炳

宋贛縣人結廬崆峒山躬耕求志與學者琢磨俱成雅器有文權十卷白雲編二十卷包

拯嘗師事之志其墓曰  
文高表世學優入聖



陳燾

宋電白人瞽目十年紹興間母死將葬燾欲扶柩至壙人或止之燾曰母生我鞠我今日視入土燾忍以疾辭執紼一二里雙目頓開人皆異之

陳敏脩

宋號市隱居士紹興中進士第三人玉音云卿便是陳敏脩年幾何對曰七十三問有幾子對曰未娶乃出內人施氏嫁之年三十貲奩甚厚時人語曰新人若問郎年紀五十年前二

三十

陳

嶠

宋字景山年近六十方及第有儒家以女妻之合巹夕作詩云彭祖尚聞年八百陳郎猶

是小

孩兒

陳舜申

字休謨連江人七歲能屬文淳熙中舉進士歷衡陽秭歸教授累遷知漳浦縣有惠政

遷著作郎入對以正心任人爲允直而不許上皆嘉納由是有忌之者遂主管武夷冲祐觀起叅議淮閩未赴卒舜申以學問淑後進以行義率鄉里以節操立朝廷以義方教子孫所著有易鑑語孟中庸大學集解渾灝發旨審是集兵書訂解及高齋文集

陳大年

宋字彥永貢辟雍同舍生陳仲防患疫人皆避之大年曰疾病相棄豈友誼耶爲名醫診

視已而仲防瘥謝曰彥永所謂生死交情者也以特奏名再調昭州推官嘗攝州事民皆宜之

陳亮

宋永康人自幼穎異才氣超邁善談兵議論風生志存經濟隆興初上中興五論不報退



益力學著書淳熙中更名同詣闕上書極言時事帝將官之亮笑曰吾欲爲社稷開數百年之基寧用以博一官乎曾覲聞欲見焉亮耻之踰垣而逃卽渡江而歸其學自孟子後惟推王通嘗曰研窮義理之精微辯析古今之同異以積累爲功以涵養爲正則於諸儒誠有愧焉至於堂堂之陣正正之旗風雨雲雷交發而竝至龍蛇虎豹變現而出沒推倒一世之智勇拓開萬古之心胸自謂差有一日之長紹興四年策士問禮樂刑政之要亮以君道師道對光宗大悅御筆擢爲第一授簽書建康府判官尋卒謚文毅

陳傅良

宋字君舉瑞安人乾道中進士爲中書舍人時光宗以疾不朝重華宮傅良抗疏忠懇至

引帝襁言與淚俱後官至寶謨閣侍制卒謚文節傳良與張栻呂祖謙爲友文擅當時學者稱止齋先生所著有左氏章旨及兩漢博議等書

陳

埴

宋永嘉人從學朱文公所著有禹貢辯木鐘集等書學者稱潛室先生埴與兄增弟止善

俱登進士第時人號所居爲森桂坊

陳季雅

宋著有漢唐

論劄行于世

陳孔碩

宋侯官人師事朱熹爲高弟累官尚書郎卒祠于學

陳天麟

宋宣城人天資豪爽慷慨重義紹興中進士累官至集賢殿脩撰嘗編易三傳及西漢南



綴節等書

陳

淳

宋字安卿龍溪人朱熹守漳時淳從游郡齋熹曰南來吾道得一安卿淳無書不讀無物

不格義理貫通洞見條

緒學者稱為北溪先生

陳天隱

宋字君舉蘭谿人端重好學父兄蚤喪事母以篤孝稱母將葬時六月六日畏日如焚先期焚香禱乞雲霧覆棺人皆哂之

已而果應既窆雲散人皆異之

陳

塤

宋字和仲鄞縣人嘉定中進士敏於爲文頃刻數千言爲人明白洞達一言之出終身可

復仕終國子司業子蒙年十八上

萬言書論國事仕爲淮東總領官

陳嘉言

宋景陵人爲復州學諭以文行爲鄉里所推開禧初金人犯景陵被執脅使降嘉言厲聲

罵賊自沉於水

同室六人俱死

陳天福

宋茶陵人歲凶發廩平糴貧不能糴者天福輒周之有道士丐米福與之一斗道士酬以

百錢福弗受道士出題其壁有桂子蘭孫聯步武之句後子桂孫蘭孫果登第亦慕義樂施有父風遭宋季易姓弗復爲祿仕營東山書院爲終身計博學好古著述尤富輯文選補遺四十卷行

于世

陳壽孫

宋瑞安人寶祐間登第授台州教授會新郡守初視篆乃丞相丁大全之黨至謁廟日壽



孫乃揚言曰昔冉求爲季氏聚斂聖人尚欲鳴鼓而攻之太守乃丁大全黨聚斂之徒烏可升吾夫子之堂哉守聞之遂解印去後直龍圖閣歷福建提刑貪吏聞風畏懼引去後入覲與賈似道爭鹽法事被劾歸里元兵至率市人操兵聚瑞安白巖橋禦之取民居扉戶牀桌累以爲柵兵至民散潰遂被執元將欲降之嗔目厲聲曰我大宋憲臣乃從爾胡耶何不速殺我遂囚于獄邑吏或戲之曰提刑亦下獄耶壽孫叱之曰吾志尚能斬賊配吏顧力屈耳元將壯之命縊死

於獄

陳

澔

宋字可大都昌人

潛心理學註禮記

陳元大

字孔碩號北山世稱北山先生元大遠接洙泗之傳尚友於濂洛關閩諸君子任溫州

儒學教授著四書講義行于世宋末來遊吳之常熟愛其風俗山水之美遂居焉子後山亦以道學鳴仲子昇慷慨有大節當時景仰山斗孫伯琬伯珪皆爲邑之名士

陳容

宋三山人人呼爲陳所翁寶祐元年由太學生知平陽縣簡易從容邑人化之時與名士

論文講藝敷繹大義士習以興至於崇社稷闢道路通溝洫議賑糴民事舉備暇時則遊戲翰墨以盡

龍名

陳堯舉

宋南豐人淳祐中進士官至通判臨江軍嘗承江西運司檄考試廬陵士子拔擢文天祥



咸謂其知人居官甘澹泊毫  
無妄取學者稱爲鳳岡先生

陳

瓚

宋字琴玉少有志節德祐中布衣詣闕上攻  
守之策不報景炎丙子竭家財航海助張世

傑贍軍世傑奇其才欲奏以官不受元人旣執  
文龍以去就命林華爲守瓚陰部署賓客募義  
民誅華復其城端宗除瓚知軍事且令乘勝與  
世傑犄角復福泉二州會唆都兵至瓚力不支  
被執欲使降瓚曰汝知守城不降曰文龍者吾  
姪也吾家世忠義豈向胡狗求活耶唆都大怒  
革裂以殉張世傑上其事贈兵部侍郎  
諡忠武子若水張世傑辟爲督府架閣

陳

烱

宋常州人元兵至常州知府姚訔辟烱爲通  
判與訔協力固守城破訔死烱猶巷戰家人

曰東北城可走焘曰去此一步非死所矣日中  
兵大至遂死焉事聞追贈直寶章閣官其子

**陳敬叟**

宋字炳然臨武人博學能詩文咸淳中進士  
授迪功郎主簿來陽學錄德祐時北附遂隱

居不仕益肆力於詩文有異溪集若干卷行于  
世子章伯字奎龍少習舉業警敏讀書經目  
輒通大義才藻秀發義不仕元平生濶略不治  
生業有田數頃亦輒易去茅屋數椽室中釜盎  
亦無完器唯閉門玩讀雖寢食不廢其自著作題咏名曰異溪嗣藁

**陳天瑞**

宋公輔之後師事金華王栢明性理之學志  
潔而行廉爲金華令有能名宋末隱遁林壑

詩文極高古效淵明  
書甲子文集五十卷



陳卓

宋咸寧人有田五千兄之田止一千願合戶而同之且曰人生飽煖之外骨肉交歡而已

其後兄子康民登進

士官至大中大夫

陳元桂

宋臨川人淳祐中進士知臨江軍開慶初元兵奄至元桂力疾登城督戰吏卒勸之避去

元桂曰時事如此與其死於饑饉疾病盜賊孰若死於守土之爲光明俊偉哉兵至元桂叱罵

不屈遂遇害謚

正節立廟死所

陳龍復

宋泉州人與文天祥同登第歷官太府少卿天祥開府南劍分司潮州積糧治兵天祥賴

之及移屯爲元

兵所襲死焉

陳寅

朱爲西河守元兵薄城寅竭智固守力不能支遂陷寅謂妻杜氏令避兵鋒杜氏曰安有

生同君祿死不共主事者

卽飲藥自殺寅遂伏劒死

陳文龍

宋莆田人能文章負氣節淳祐進士第一累官叅知政事益王入閩稱制以爲閩廣宣撫

使討平漳州興化元兵至有諷其降者文龍曰諸君特畏死耳未知此生能不死乎後被執至

杭州不

食死

陳學心

宋崇安人淳祐間登進士歷官高州知府謝枋得起兵使守安仁元兵至力戰死之

甄

中山徵音舜陶甄河濱因氏音真又云音堅



甄宇

漢字長文拜博士每臘日詔賜博士人一羊  
宇獨取其瘦者後朝會詔問瘦羊博士所在

甄叔遵

漢撰七要  
本啓三卷

甄彬

南北定州人有行業鄉黨稱善嘗以苧就人  
質錢後贖苧於束中得五兩金卽送還之爲

益州錄事叅軍帶鄉縣令將行同列五人梁武  
誠以廉慎至彬獨曰卿昔有還金之美故不復

以此言

相屬

甄濟

唐字孟成無極人好學隱居青巖山遠近高  
其節環山不敢樵採諸府辟名皆不起玄宗

嘗強致安祿山府中濟知祿山有反謀遂脫歸  
祿山反緘刃以授使曰卽不起斷其頭來使至

漢引頸待刃使嗟歎而止後  
肅宗召授郎遷太子舍人

甄

權

唐中山人嘗以母病與弟立言專醫方  
得其旨趣隋開皇初爲祕書省正字

秦

天水徵音顓頊嬴姓伯益之後裔孫非  
子封于秦因氏又望出太原又齊郡

秦

緩

周字越人鄭人居渤海少爲舍長客長桑君  
過緩奇事之君亦知緩非常人私謂曰我有

禁方年老欲傳與君毋泄乃出懷中藥曰飲者  
以上池之水三十日當知物矣悉取禁方與之  
晉景公有疾求醫于秦秦伯使越人往未至  
公夢疾爲二豎子曰彼良醫也懼傷我焉其一  
曰居肅之上膏之下若我何越人至曰疾在膏  
肅之間攻之不可達刺之不可入公歎曰良醫



也禮而遣之 過號值太子死緩視之曰  
此尸蹙也臣能生之以藥飲之頃乃甦

秦

非

周魯人孔門弟子樂善  
慕道後世封華陽侯

秦

祖

周秦人孔門弟子篤于守道  
唐封少梁伯宋加封鄆城侯

秦

冉

周孔子  
弟子

秦

彭

漢字伯平茂陵人六世祖襲與羣從五人同  
時爲二千石三輔號萬石秦氏彭建初時爲

山陽太守以禮訓人後徙潁川有鳳凰麒麟  
嘉禾甘露之瑞肅宗巡行郡國輒加獎賚

秦

周

漢黨人八  
厨之一

秦宓

三國字子勅綿竹人少有才學州郡辟命皆不往漢昭烈定益州廣漢大守夏侯纂請爲師友祭酒宓臥不起及諸葛亮領益州牧選宓迎爲別駕吳遣張溫來聘百官往餞宓與溫論天應聲而對

溫大敬服

秦伯南

三國曹真之父也夙與曹操善袁術部黨與操攻劫操出寇所追走入秦氏伯南開門受之寇問操所在答曰我是也遂害之由是操思其德故以其子真變姓曹氏

秦

瓊

唐字叔寶歷城人從太宗征伐有功累官左武衛大將軍贈徐州都督封胡壯公圖像凌

煙閣



秦景通

唐晉陵人與弟暉皆精漢書號大秦小秦一時治漢書者多出其門官至崇賢館學士

秦系

唐字公緒天寶末避亂剡溪客泉州南安有大松百餘結廬其上穴石爲研注老子號南

安居士與劉長卿倡和權德輿曰長卿自以爲五言長城系偏師破之雖老益壯

秦觀

宋字少游號大虛工詞賦元祐初東坡以賢良方正薦于朝除太學博士山谷詩云少游

五十策其言明且清以初應制科進策五十篇也坡薦之安石安石曰君奇秦君口之而不置我得其文手之而不釋嘗鼎嚮旨可知矣官至國子編脩弟觀坐貶有淮海閒居集

秦傳序

宋江寧人淳化中充夔峽巡檢使賊攻夔州傳序督士卒晝夜拒戰久之度力不支乃爲

人以爲父死于忠子死于孝奏至太宗惻然錄傳序子煦

爲殿直

秦

當

宋上黨人金季兵起窵山麓爲洞奉親以居傍窵大洞匿其里中百人具牛酒出待兵兵

入索惟見親屬曰孝士也釋之去人

甚德之孫起宗仕元累官兵部尚書

申

魏郡商音姜姓炎帝之後封于申號申伯以邑爲氏又望出丹易

申

伯

周宣王母舅封申侯築城于謝仲山甫作詩送之曰崧高維嶽峻極于天惟嶽降神生甫

及

申



申巫臣

周楚人說夢壽教戰陣使楚罷於奔命吳之強于中國自巫臣始夢壽思其功以其子孤

庸為

相

申不害

周學黃老刑名為韓相十五年著書號申子

申鳴

周家澧陽以孝聞楚王欲相之不赴父曰汝祿于朝吾死無憾矣鳴遂拜相白公勝為亂

劫其父以懼鳴鳴曰始吾父之孝子也今吾君之忠臣也遂一戰而殺白公其父亦死王大賞之鳴曰食祿避難非忠臣定國殺父非孝子名不能兩立遂自刎

申包胥

周楚人仕為大夫與伍員友善平王殺員父奢兄尚員曰我必覆楚包胥曰我必復之及

吳師伐楚入郢包胥乃入秦乞師救楚依庭牆而哭日夜不絕勺水不入口者七日秦伯哀之曰有臣如此楚未可滅也乃爲之賦無衣之詩遣將定其國難昭王返國賞功逃而不受

### 申培公

漢魯人少事齊人浮丘伯受詩高帝過魯申公以弟子從師入見武帝遣使以束帛加璧

安車蒲輪迎之至則以爲大中大夫武帝問治亂之事對曰爲治不在多言願力行何如爾後

以病免歸

### 申秦芝

唐洛陽人其母夢吞芝而孕與玄宗同月生後隱邵陽山脩煉玄宗感夢以像求得之白

晝冲

舉



申世寧

宋鉛山人紹興六年潘達兵襲鉛山父年逾七十未及出戶遇賊賊意其有藏金欲殺之

世寧年未冠亟引頸願代父死賊感其孝兩全之

申積中

宋成都人楊繪從其父起求之爲子及長知非楊氏而絕口不言登進士事所養父母素

孝終身有二弟一妹爲畢婚嫁始歸本族復申氏政和中通判德順軍

真

上谷百濟人  
姓其一曰真

真玄菟

漢善  
算

真德秀

宋字景元浦城人四歲受書過目成誦慶元中第進士累官至叅知政事世稱西山先生

言文忠公之學以朱文公爲宗所著有大學  
衍義唐書考疑讀書記文章正宗昭代從祀孔  
子廟庭 子志道以蔭補官累遷戶部侍郎  
志道子紹祖府判同祖同知 志道孫蜀孫金  
德主簿宜孫  
永春縣尹

## 輪

## 輪

### 扁

周齊人桓公讀書于堂上輪扁斲輪于堂下  
上問公曰敢問公所讀者何言乎公曰聖人

之言也曰聖人在乎曰死矣然則君之所讀者  
古人之糟粕矣以臣斲輪之事觀之徐則甘而  
不固疾則苦而不入不徐不疾得之于手而應  
之于心口不能言有數存焉於其間臣不能以



喻臣之子臣之子亦不能受之於臣是以行年七十而老斲輪古之人與其不可傳者死矣然則君之所讀者古人之糟粕已矣

新 晉大夫新穆稚子之後

新垣衍 周梁客垣衍欲共帝秦魯仲連責而說之衍起拜謝曰吾今乃知先生天下之士

彬 見姓苑

彬 霽 唐撰祕苑狀啓四卷

十二文

商音文王支孫以謚爲氏  
又有本姓敬避諱去敬改文

文種

周春秋時越大夫吳王夫差敗越兵于大椒  
越王勾踐使種行成于吳勾踐既歸國屬政

于種及滅吳種謀居多後以范蠡遣書稱疾不  
朝或譖種將作亂王賜以屬鏤之劍遂伏劍死

文翁

漢舒人少好學通春秋景帝時爲蜀郡守崇  
尚教化興學校以變風俗由是蜀文風可北

齊魯武帝時天下皆建學自  
文翁始後終于蜀蜀人祀之

文漸

漢資縣人事親至孝年七十持母喪負土成  
墳廬于墓側哀毀疾甚有白鳥白雀棲墓木

回翔悲鳴若助哀者鄉人勾文鼎自娶妻後與  
父離居覩漸孝行深自悔責號慟而歸孝養盡



志觀感而  
化者甚衆

文

賓

漢太丘鄉人賣草履爲業數取嫗數十年輒棄之後時故嫗壽老年九十餘續見賓年更

壯他時嫗拜賓涕泣賓謝曰不宜至正月朝倘能會鄉亭西社中邪嫗老夜從兒孫行十餘里坐社中待之須臾賓到大驚曰汝好道邪知汝爾前不去汝也教令服菊花地膚桑上寄生松子取以益氣嫗亦更壯復百餘年尚見云

文

穎

漢字叔長注前漢書一百三十卷

文

立

晉字廣休巴郡人在蜀時師事譙周門人以立爲穎同台立爲穎通詳書仕爲尚書郎

文 鵞

之與王申大破勒於文石津

文 門愛

南北山陽人蚤孤供養伯父母以孝謹聞伯父亡服未終伯母又亡門愛居喪持服六年

哀毀骨立鄉人魏仲

賢等相與標其孝義

文 澹

五代蜀人生五歲謂母曰有五色香囊在杏林中往取之乃前生爲兒時所失者再生而

記之

文 彥博

宋字寬夫介休人進士及第累仕四朝出將入相五十餘年再相時與富弼並命士大夫

相賀于朝彥博立朝端重顧盼有威契丹使耶律永昌入覲見彥博於殿門外却立改容曰此



潞公邪何其壯也東坡曰使者見其容未聞其語其總理庶務貫穿古今雖少年名家有不如永昌拱手曰天下異人也以太師致仕封潞國公居洛陽與富弼司馬光等圖形於妙覺僧舍謂之洛陽耆英會卒年九十二諡忠烈

八子皆歷要官及甫官至戶部侍郎

文

同

宋字與可梓潼人以文學名世操行高潔善詩文篆隸行草飛白又善畫竹蘇軾輩咸重

之舉進士稍遷太常博士集賢校理歷知陵洋湖州所著有丹淵集四十卷 文彥博嘗稱之

云襟懷灑落如晴雲

秋月塵埃不可犯

文

獻

宋八世同居旌表門閭蠲其租稅

文天貞

字屬國，人天祥兄。寶祐間，舉廣濟學。論造士有方，邑治丕變。以天祥死節，不仕。元遂

居廣濟之五里橋東家。世業儒。迄今未艾。弟天祥，字履善，號文山，舉進士第一。歷仕湖南提刑。元兵至臯亭山，天祥往說之。被脅至真州，遁募兵勤王。拜右相，挾二王入閩。廣兵敗，被執，遂拘燕。三年，坐臥一小樓，足不履地。元主聞其賢，一日乃召天祥入殿中，公長揖不拜。元主問曰：「汝欲何言？」天祥曰：「我大宋以堯舜之道平一天下，北朝以遐陬之國殘擾中原，滅我宋之宗廟，欺人孤寡，萬世之耻也。吾英雄無用武之地，不能復興，言訖頓足。」元主喻曰：「天之所廢，非人力可爲。朕承天眷，命誠非偶然。汝以忠宋之心事我，我以汝居丞相位何如？」公對曰：「吾受宋恩甚



厚惟思盡忠而已豈有事二姓之理宋室旣亡  
願賜一死足矣元主不忍遽麾之使退左右力  
贊乃詔有司殺于燕京柴市俄有詔止之至則  
死矣臨刑顏色自若且行且歌曰我爲忠烈大  
丈夫詩書禮義聖賢徒竭心罄志匡扶國如何  
天假此強胡謂吏卒曰吾事畢矣南向再拜而  
死年四十七其衣帶中有贊曰孔曰成仁孟曰  
取義惟其義盡所以仁至讀聖賢書所學何事  
而今而後庶幾無愧元主臨朝歎曰文丞相真  
男子本朝將相皆不可及誠可惜也數日其妻  
歐陽氏收其屍面如生觀者無不流涕孫應  
麟倜儻尚氣節景定中隨叔璧守惠州元兵至  
城陷麟耻之攜其子起南遁于東莖  
之東渚遂家焉今其子孫最爲名宦

殷世小辛改國曰殷以國爲氏

殷丹漢會稽太守郡有孝婦以誣見殺連旱三年丹到郡刑訟者祭婦墓天應時澍雨

殷謨漢字君長鴈門人守節不仕王莽

殷亮漢建武中爲博士諸儒說經賜席勝者坐之亮重席至八九

殷禮三國字往嗣孔明歎曰東吳孫權守乃有此人作書與兄瑾曰殷往嗣秀才之倫勝者也

殷康晉字唐子吳興太守開荻塘溉田千餘頃

殷羨晉字洪喬西華人爲豫章太守都下人寄書百餘函至石頭城下悉投之水曰沉者自沉



浮者自浮殷洪喬不能爲人作致書郵杜終光  
祿勲元帝皇子生普賜群臣羨謝曰皇子誕  
育普天同慶臣無勲焉而猥頒厚賚帝笑曰此  
事豈可使卿有勲耶子浩字深源識度清遠  
弱冠有盛名好老易爲風流談論者所宗屏居  
幾十年時人比之管葛王蒙謝尚伺其出處以  
卜江左興亡曰深源不起當如蒼生何妙解  
經脉中年都廢有嘗所給使人忽叩頭流血浩  
問其故云有死事終不可說詰問良久乃云小  
人母年垂百歲抱病未久若蒙觀一脉便有活  
理訖就屠戮無恨浩感其至性遂令昇來爲診  
脉處方始服一劑疾便愈於是悉焚經方人  
有問浩何以將得位而夢棺器將得財而夢矢  
鏃浩曰官本是臭腐所以將尋而夢棺屍財本

言簡文時假節鉞後爲桓溫所忌竟廢

殷仲堪

晉浩從子能清言善屬文出鎮江陵將之任

詔曰卿去有日使人酸然嘗謂永爲廊廟之寶而忽爲荆楚之珍歷五州刺史桓玄忌其勝已害之嘗收葬流棺甚多旬日門前溝忽起爲岸夜夢有人自稱徐伯玄云感君之惠無以報也水岸爲洲君將爲州矣果任荊州都督軍事值歲儉脫粟自甘每戒子弟曰不磷不淄寧淡薄而自盟知止知足毋赫腐以自恣豈可以我受任方州失故步也仲堪嘗云三日不讀道德經便覺舌本間強父師病耳聰聞牀下蟻動謂之牛鬪病積年仲堪衣不解帶執藥揮泪遂眇一目



殷哀

晉滎陽令興學教民民知禮讓歌曰滎陽令有異政立學校人易性令吾子孫耻爭訟

殷道叔

晉晉陵太守撰孝行錄三卷

殷鈞

南北字季和長平人九歲以孝聞善隸書爲學者楷法仕宋至臨川內史閉閣臥理而百

姓化之終

國子祭酒

殷不害

南北字長卿長平人家世儉約居甚貧窶有弟五人皆幼弱不害事老母養小弟無所不

至士大夫以篤行稱之年十七仕梁爲廷尉平長于政事兼飾以儒術累官司農卿弟不佞

字季卿少立名節居父喪以孝稱魏克江陵母

卒道路隔絕不得奔赴四載之中晝夜號泣居

節如始聞若此者又三年身自負土手植松柏  
每歲時伏臘必三日不食歷官太傅

錄尚書事子梵章位尚書金部郎

**殷景仁**

南北與王華王曇首劉湛四人宋元嘉初同  
爲侍中風力局幹冠冕一時後位至尚書

子道弼孫恒三世尚書 景仁弟淳少好學有  
美名歷中書黃門侍郎好文義未嘗違捨在祕  
書閣撰四部書大目

凡四十卷行于世

**殷踐猷**

唐字伯起長平人博學善記尤通氏族歷數  
醫方時稱爲五總龜舉文儒異等授祕書省

學士兼麗正殿學士子寅舉宏詞  
爲太子校書郎孫亮杭州刺史



殷七七

唐周寶鎮潤州知鶴林寺杜鵑奇絕謂七七曰可使頃刻開花副重九乎七七曰諾至九

日果爛熳如春寶

遊賞後花忽不見

殷開山

唐鄆縣人從太宗征伐有功仕至吏部尚書進爵鄖公圖形凌烟

殷澄

宋字公源華亭人性介特平生無宿諾元兵入華亭元將命屠城澄奮言不顧帥感悟而

止于時全活者以萬計丞相伯顏聞而義之

授華亭總管澄卽棄去野服隱居終身不仕

雲

琅琊徵音官氏志宥連氏改爲雲氏又縉雲氏之後望出河南

雲定興

隋善製器仗擢少府丞累遷屯衛大將軍

雲景龍

幽枉必達興學勸農謹身節用親小民如已

子強梗肅然而又不爲權要所屈民望攸歸後  
去官祖餞者爲之流涕孫逢吉郴州司戶叅軍

有文學

行義

士云

本姓雲改爲云又牒云氏  
改爲云又縉雲氏之後

云

敞

漢字幼儒平陵人師事同縣吳章王莽子宇  
與章謀夜以血塗莽門爲鬼神之戒事發莽

殺宇章坐腰斬初章爲當世名儒弟子千餘人  
皆禁錮門人盡更名他師敞時爲大司徒掾自  
劾言乃吳章弟子收章尸葬之  
京師稱其義官至中郎諫大夫



君

君

疇

上古堯學于君疇

君

陳

周成王命君陳繼周公保釐東郊乃懋章昭周之訓克和厥中

十三元

元

河南商音衛大夫元咺之後其先食菜于元因氏焉又北魏孝文帝改為元氏又璽出太原

元

慤

晉著樂略四卷

元文遙

南北字德遠洛陽人有王佐才仕北齊遷尚書左僕射歷事三主明達世務持因魏縣宰

弟發教用之士人爲縣自此始

元

志

南北北魏公子也少清辯有志操邢巒曰露竹霜條故多勁節非鸞則鳳其在本枝也

元

偉

南北字茂宏洛陽人少好學能文仕周累遷少司寇嘗報聘于齊爲齊人所執後三年齊

平偉方見釋高祖以其久被幽繫節義凜然進爵厚賜庾信贈詩曰號亡垂棘反齊平寶鼎歸

元景安

南北洛陽人沉敏有幹局仕齊爲襄縣令累遷兼七兵尚書時初築長城鎮戍未立詔景

安與諸將緣塞以備守督領旣多且所部軍人富于物財賄貨公行景安纖毫無犯帝深嘉之

元

淑

南北字買仁仕魏爲河東太守俗多商賈至有年三十不識耒耜淑下車勸課躬往教示



二年間家給人足爲之謠云泰州河

東杼軸代春元公至止田疇始理

元顯和

南北後魏宗室爲徐州安東長史刺史元法僧叛命坐不肖曰乃可死作惡鬼不可生爲

叛臣臨刑

神色自若

元澹

唐字行冲河南人博學尤通訓故及進士第累官通事舍人狄仁傑器之嘗謂仁傑曰下

之事上譬富家儲積以自資也脯腊膜胰以供滋膳參朮苓桂以防疾疢門下充旨味者多矣願以小人備一藥石可乎仁傑曰君正吾藥籠中物不可一日無也後爲弘文館學士玄宗自注孝經詔澹爲疏立

于學官卒諡曰獻

元德秀

唐字紫芝河南人少孤事母孝母亡廬墓天寶中任魯山令天下重其行稱曰元魯山房

瑄歎曰見紫芝看宇使人名利之心都盡及卒家惟杖屨簞瓢而已諡文行先生

元

稹

唐字微之河南人元和初對策舉制科第一拜左拾遺憲宗時陳西北邊事名問得失常

路者惡之出爲河南尉拜監察御史遇事敢言太和間爲尚書右丞卒長于詩與白居易齊名時稱元白號元和體宮中呼爲元才子元守泚西白牧綵臺置驛遞詩筒醉和至千篇有云有月多同賞無杯不共持又與竇鞏唱和號蘭亭絕唱有元氏長慶集百卷又小集十卷傳于世

元集虛

唐河內人少好群籍仕爲協律郎博通三教以儒爲主南遊愛廬山之勝結溪亭于東南



五老峰下自稱山人不復出仕  
與白居易柳宗元韓愈相友善

元

正

唐脩名節擢明經授監門衛兵曹參軍肅宗  
時河南節度使崔光遠表置幕府史思明陷

河洛與父匿山中賊以名購正度事急謂弟曰  
賊祿不可養親彼利我名難免矣然不污身而  
死吾猶生也賊既得誘以高位瞋目固拒兄弟  
皆遇害父聞仰藥死路人爲哭事平詔錄仗節  
十一姓而正爲  
冠贈祕書少監

元

結

唐字次山汝州人嘗避祿山亂居樊上自稱  
有二曰酒徒又曰漫叟有二子長叔閒呼爲

直者次曰叔靜呼爲正者韓愈稱唐文人獨及  
元結嘗爲道州刺史杜甫嘗曰令天下得結

輩十數公叅錯爲邦伯  
萬物吐氣海內又安矣

**元懷景**

唐知張說必貴以女妻  
之撰屬文要義十卷

**元萬頃**

唐諸儒論撰楚中萬頃與選凡撰列女傳臣  
軌百寮新戒樂書等九千餘篇至朝廷擬議  
表疏皆密使叅處以分宰

相權故時謂北門學士

**元明善**

宋嘗副一蒙古出使交趾及還國王璽以黃  
金蒙古受之明善不受國王曰彼使臣已受  
矣公何固辭明善曰彼所以受者安小  
國之心我所以不受者全大國之體

**元達**

宋洛州雞澤人身長八尺負膂力善射嘗醉  
見道旁槐樹拔劒斬之樹立斷初亡命山林



後隸太宗帳下累遷北面行營都部署  
與士大夫交能折節盡禮人以是稱之

元

溥

宋字泉卿宜興人幼業進士輒棄去喜爲唐  
詩自號耘軒有歲後書懷云他鄉故鄉老若

此新歲舊歲窮依然烹茶但有二升水沽  
酒初無三百錢其處約安貧亦可尚云

孫

樂安宮音周文王第八子康叔封衛至惠武公  
惠孫曾耳爲衛上卿以字爲氏望出太原

孫

陽

周字伯樂伯樂本天星名善識馬故名伯樂  
過虞坂有騏驎伏鹽車下見陽而長鳴伯樂

下車泣之騏驎于是俛而噴仰  
而鳴聲聞于天彼見知者也

孫

虞

周字子乘東武人明易學魯商瞿子木受易  
於孔子以授魯橋庇子庸子庸授江東駢臂

子弓子弓授燕周醜子家子家授  
東武孫虞子乘子乘授田何子裝

孫

武

周齊人以兵法見吳王闔廬王出宮中美女  
百八十人使武教之戰孫子分爲二隊以王

寵姬爲隊長皆令持戟三令五申婦人大笑斬  
二隊長以徇復鼓之婦人左右前後跪起皆中  
規矩繩墨用爲將西破強楚  
北威齊魯著兵法十三篇

孫

臚

周孫武之後生阿鄆之間與龐涓俱學兵法  
于鬼谷涓爲魏將嫉臚之能以計斷其足齊

使淳于髡使魏以計載歸威王以爲師魏攻齊  
臚用減竈法擣魏國度涓夜至馬陵白書大樹  
云龐涓死此樹下涓果至見白書讀未畢  
萬弩齊發涓智窮自剄臚由是名高天下



孫叔敖

周見時見兩頭蛇殺而埋之歸泣白其母曰  
吾聞見兩頭蛇者死我今見之母曰蛇今安  
在曰恐後人見殺而埋之矣母曰吾聞有陰德  
者必有陽報子不死矣後爲楚莊王相遂霸三  
仕爲令尹無喜  
色三已無慍色

孫

期

漢字仲或濟陰成武人習京氏易古文尚書  
家貧不仕事母至孝牧豕于大澤中以奉養  
焉遠人從其學者皆執經隴畔黃巾賊起適期  
里陌相約莫犯孫先生舍郡舉方正遣吏齎羊  
酒請期期驅豕入草不顧司  
徒黃琬特辟之不行終于家

孫居直

漢字德威鉅鹿人少剛介郭林宗母卒往弔  
之適林宗里中有惡少亦往弔焉林宗絀而

不拒居直見之卽回林宗追及之曰昔者孔子  
不拒互鄉童子予焉敢追其既往居直不從徑  
回其爲人

剛介如此

孫

敬

漢字文寶信都人性嗜學嘗閉戶讀書不堪  
其睡乃以繩繫頭髻懸於梁上嘗入市市人

見之皆曰閉

戶先生來也

孫

鍾

漢富春人性至孝以種瓜爲業一日有三人  
來鍾設瓜及飲三人曰示子葬地下山百步

勿反顧鍾不六十步回看三白鶴飛去遂葬其

母鍾後生堅堅生策權權後建國爲吳稱帝傳

亮休皓

凡四世



孫策

三國字伯符堅子性濶達善于用人江淮間人咸向之爲討逆將軍建安五年陰欲襲許

迎漢帝治兵未發爲客所刺年二十六

策

年十四詣袁術俄而外通劉豫州來孫便求去

曰英雄忌人旣出下東堦玄德從西堦

上但得轉顧視孫足下殆不能復前

孫

登

三國字公和阮籍嘗過蘇門與談不答唯大笑阮去至半嶺聞歎聲如鳳凰登無家於

汲郡北山土窟住夏則編艸爲裳冬則披髮白覆好讀易鼓一絃琴見者皆親樂之性無喜怒或投之水出而觀之乃復大笑嵇康聞乃從之遊問其所圖終不答居三年將別謂曰先生竟無言乎登曰子識火乎火生而有光而不用其光而果在於用光人生而有才而不其才而

果在於用才。故用光在乎得薪。所以保其耀。用才在乎識真。所以全其年。今子才多識寡。難乎免于今之世矣。子無求乎。康不能用。果遭非命。乃爲幽憤詩曰。昔慙丁惠。今愧孫登。

孫賓碩

三國北海人。桓帝時趙岐有家禍。變姓氏于市中。販胡餅。賓碩時年二十八。入市見岐。疑其非常人也。載之歸。與平中岐以太僕持節使安惠。天下復與賓碩相遇。相對流涕。

孫蔚

晉家世好學。有書七千餘卷。遠近來讀者恒有百餘人。蔚爲辦衣食。

孫叔然

晉本名炎。與武帝同名。故以字稱。樂安人。受學鄭玄之門。稱東州大儒。徵爲祕書監。不就。嘗作周易春秋例。毛詩禮記春秋三傳國語爾雅諸注。並行于世。



孫楚

晉字子荆太原中都縣人才藻卓絕爽邁不群少欲隱居謂王濟曰吾欲漱石枕流濟曰

流非可枕石非可漱楚曰枕流欲洗其耳漱石欲礪其齒年四十餘始參鎮東軍事子荆初

爲石苞驃騎參軍自負才氣入見不拜但長揖曰天子命我參卿軍事楚除婦服作詩以示

王濟濟曰未知文生于情情生于文覽之悽然增伉儷之重孫盛字安國自少至老手不釋

卷著晉陽秋世稱良史桓溫見其書枋頭敗衄之事怒謂盛子曰枋頭誠失利何至如乃公所

言若此史行自是關君家門戶諸子因共號泣盛前請爲百口計盛大怒不從諸子潛改之所

著有魏武春秋三十卷晉春秋十餘卷盛弟綽博學能文後居會稽游放山水十餘年作遂

初賦天台賦詞甚工綽以天台賦示范榮期云  
卿試擲地當作金石聲劉氏曰赤城霞起而建  
標瀑布飛流而界道此賦之佳處 盛長子潛  
字齊由次子放字齊莊二人俱慧放更清秀少  
時同詣庾公公問潛何字答曰字齊由公曰欲  
何齊耶曰齊許由復問放何字答曰字齊莊公  
曰欲何齊曰齊莊周公曰何不慕仲尼而慕莊  
周對曰仲尼生知故難企慕至於莊周是其次  
者故慕耳庾  
公大嘉之

孫

康

晉京兆人性敏好學家貧無油于冬月嘗映  
雪讀書少清介交遊不苟後官至御史大夫

孫

惠

晉字德施富陽人口訥好學有才識東海王  
越以爲軍容祭酒每造書檄或驛馬催之應



命立成皆

有文采

孫

晷

晉字文度富春人清約有學識辟命皆不就每獨處幽闇之中容止瞻望未嘗傾邪聞人

之善欣若有得見人饑寒並周贍之有高世之風

孫

緬

南北爲潯陽太守一日出遊江渚見一輕舟凌波隱顯俄而漁父至神韻清洒垂綸長嘯緬心異之因爲取魚漁父笑而答曰其釣非釣寧賣魚者耶緬益怪之遂褰裳涉水謂曰竊觀先生有道者也何不出贊緝熙之美而自晦若是也答曰僕山海狂人不達世務乃歌曰竹竿籊籊湖水悠悠相忘爲樂貪餌吞鈎非夷非惠聊以忘憂歌竟悠然鼓棹而去

孫益德

南北樂安人其母爲人所害益德幼童爲母復仇還家哭於殯以待罪孝文文明太后以

其幼而孝不

逃罪遂免之

孫普濟

南北臨湘人居喪未葬鄰火將及舍普濟號慟伏棺上以身蔽火鄰人往救之焚炙已悶

絕累日

乃蘇

孫萬壽

隋武強人幼從熊安生受五經博涉子史善屬文隋初徵拜豫章王長史有文集十三卷

孫魴

唐淮人性聰敏好學工于詩楊吳據有江淮文雅之士駢集魴遂與沈彬李建勳爲詩社

仕爲宗正郎

卒有詩百篇



孫伏伽

唐貝州武城人高祖武德初上言三事其一置諍臣開言路以聞其過其二百戲散樂並

宜廢之以復雅正其三皇太子諸王宜用賢才澄僚友之選帝大悅以爲治書侍御史太宗卽位遷大理少卿帝初出馳射伏伽諫非所以導養聖躬垂憲後代帝悅曰卿能言朕失朕能改之天下庶有瘳乎累遷大理寺久之出刺陝州

孫思邈

唐華原人通百家善言老莊獨孤信異之曰聖童也兼通陰陽推步醫藥居太白山隋文

帝以國子博士召不拜太宗召至京師時年已老欲官之不受竟稱疾還山胡僧祈雨壇於昆明池側七口水縮數尺其龍化爲老人求救於邈邈曰願得仙方則救老人曰上帝不許妄傳

今無恡乃得其禁方三十首自是池溢岸矣

孫虔禮

唐字過庭吳人官胄曹工書至能品嘗著書論妙盡其趣卽書譜也子翔亦能書宋高宗

嘗謂此譜妙盡草法手不少置惟禁中太清樓所刻最爲精絕

孫

逖

唐博州武水人自幼警敏有文思累官中書舍人典詔誥極精密張九齡視其草欲易一

字卒不能其父嘉之爲襄邑令逖求增父秩

遂拜宋州司馬聽致仕後逖官至太子詹事

子成爲信州刺史歲旱發倉以賤直售民故饑而不亡後改桂管觀察使子公器亦至邕管經略使公器子簡元和初進士累官諫議大夫知制誥進中書舍人簡兄範亦爲淄青節度



使世號顯家 逖五世孫揆以進士累官京兆尹昭宗討李克用授揆昭義軍節度以本道兵會戰克用伏兵執揆厚禮將尊用之揆大罵不屈克用怒使以鋸解之鋸齒不行揆罵曰死狗奴解人當束以板汝輩安知行刑者如其言揆詈聲不輟至死

孫

樵

唐字可之韓昌黎門人所著有可之集

孫

旣

唐樂安人母喪廬墓髮瓊面垢疰瘵骨立俄有醴泉湧于墓側里人名之曰孝源泉貞元

中碑刻

今尚有

孫

疆

唐處士富春人因顧野王玉篇增加字三十卷大槩本說文以高宗上元元年甲戌歲西

月書

成

孫萬登

唐青州人咸通時任金吾上將軍受命南征既平值唐祚移孤軍不能討賊日北向泣因

家休寧名其里曰唐里仍建李天王廟以奉故主今江南孫姓蕃盛蓋其忠貞之報云

孫

晟

五代密州人好學有文仕南唐爲右僕射周世宗征淮南遣晟使周見留晟謂其副王崇

質曰吾行必不免然吾終不忍負永陵一坏土世宗待晟甚厚問以江南事但言臣主事陛下無貳心世宗命曹翰與之飲酒從容問之晟終不言翰曰有旨賜相公死晟神色怡然整衣冠南向拜曰臣謹以死報國乃就刑并從者百餘人唐主聞之贈魯國公



孫知微

宋善畫張乖崖鎮蜀雅慕之欲一見一日聞知微在僧舍亟詣之知微卽投閣遁去後乖

崖還朝路出劍閣逢一村童負篋迎于道左曰適山人命我以此爲獻啓篋視之乃畫一幅張

知是知微卽問童子所在曰已去遠矣及馬知節來守成都與知微游甚好得其畫甚多馬解

金帶以贈知微繫金帶苧袍上人見其標韻蕭散白衣金帶皆以爲思邈太白復出

孫

晁

宋字伯純新淦人雍熙間舉進士後守蘇州甫及引年大書一詩于壁有曰莫待朝廷差

致仕蚤謀泉石養閒身題畢拂衣歸九華山再召竟不起

孫

真

宋字宗古博平人以九經及第累官龍圖待制真守道自處有所言未嘗阿附真宗問以

夫書對曰臣聞天何言哉豈有書也真嘗上無  
逸圖仁宗施于講讀閣景祐元年以侍講學士  
年老乞外因薦賈昌朝自代嘗掇五經切於  
治道者爲五十篇號經典徽言卒諡曰宣

**孫長孺**

宋字思齊嗜學聚書經史百家畢備人號書  
樓孫氏祥符八年賜五經出身知廣西潯州

政尚仁恕累官太子中允

長孺孫立節字介

夫事李太伯友曾子固學問淹貫孫復嘗著春  
秋發微見立節所作撫卷歎曰吾力所未及者  
盡廢之擢皇祐五年進士時行新法蘇轍議不  
合去王安石語立節曰吾條例司當得明敏如  
子者立節笑曰公過矣若我輩人亦不肯爲條  
例司遂趨出後爲鎮江軍書記監司獨敬憚之  
立節長子勰字志康有父風讀書博洽年未



弱冠受知蘇軾終不負所學元祐三年擢進士  
居官以勁直聞知湖廣鄂州未幾卒著有文集  
四十卷立節季子勵字志舉獵涉經史尤工  
詩偕兄勰從蘇軾遊節氣凜然弗肯從仕臺府  
舉遺逸不應卜居延春谷軾榜其  
舍曰竹林隱居年七十無疾而逝

孫

冲

宋字子和趙州人舉明經歷知天雄軍再知  
潞州加至集賢學士所至以強幹稱脩己甚

嚴一毫不妄取知天雄時秩滿家人解其歸  
裝有一硯冲視之曰非吾來時物也命留之

孫

復

宋字明復平陽人范文正在睢陽掌學有孫  
秀才上謁文正贈之錢一千明年復謁又贈

一千文正曰觀子辭氣非乞客也當補子學職  
月俸三千於是授以春秋明年各去後十年聞

泰山孫明復先生以春秋教授道德高邁朝廷  
名至乃向日孫秀才也 復枯槁憔悴鬚髯皓  
白李文定見之歎曰先生年五十一室獨居誰  
事左右不幸風雨飲食生疾奈何吾弟有女頗  
賢可以奉先生箕箒復辭文定曰吾弟女不事  
先生不過一官人妻先生德高天下幸婿李氏  
榮貴莫大復歎曰宰相女不妻公侯貴戚而以  
嫁山谷衰老藜藿不充之人吾不可不成相國  
之賢娶之女亦甘澹薄 初復舉進士不第退  
居泰山著春秋尊王發微十二篇國子監石介  
師事之范仲淹富弼皆言復有經術宜在朝廷  
遂召爲國子監直講仁宗幸太學賜復五品服  
遷殿中丞及卒帝命其門人祖無擇  
就其家得書十五萬言錄藏于祕閣



孫

覺

宋字莘老高郵人官龍圖學士爲王安石所逐安石退居鍾山覺扁舟造訪及其卒作文

誄之談者

稱覺雅量

孫

錫

宋儀真人舉進士第以文學見稱居官忠厚正直除刑部有逮捕繫獄者一百二十人敕

遇赦不原錫獨奏釋之後持憲淮南考課爲天下第一知舒州發陳州廣惠倉以活陳許賴蔡

流人不可勝數呂至司封郎中子洙字巨源

舉進士應制科上策論五十篇指陳治體分辯

得失韓琦太息曰今之賈誼也神宗稱其學

術行義擢翰林學士文辭典麗有西漢風

孫

抃

宋字夢得睢州人登進士甲科皇祐中爲御史中丞爲侍王守忠建節抃奏罷之張貴妃

卒追冊命爲后抃力爭止之累遷翰林學士承旨官至叅知政事卒諡文懿 抃爲中丞日薦唐介吳敦復爲御史或問之曰君未與相識而薦之何也抃曰昔人耻呈身御史今豈求識面臺官邪後二人俱以剛介著聞

孫

固

宋宅心誠粹不喜驕亢與人居久而益信故不爲人所疾嘗曰人當以聖賢爲師一節之士不足學也又曰以愛親之心愛其君則無不盡矣傅堯俞言司馬公之清節孫公之淳德蓋所謂不言而信者也 初神宗用宦者李憲總兵伐夏固力陳其不可狀帝不從旣而師出無功帝曰朕始以固言爲迂今悔無及矣其明敏奇中如此



孫沔

宋直言敢諫史稱盡職景祐初爲御史裏行抗疏指時政得失責監永州酒稅至和間官至樞密時仁宗所寵張貴妃薨欲追冊爲溫成皇后內侍阿上意欲令沔讀冊宰相護葬帝從之沔曰陛下若以臣沔讀冊則可以樞密副使讀冊則不可遂力求罷乃知杭州竟卒

孫義伯

宋豐城人于書無所不讀謂治厯當備三法曰象曰氣曰數作六厯論渾蓋同歸圖寫古今七十六家法數有大厯賦復古著傳其他著述尤盛雖瓶無儲粟澹如也

孫博

宋河東人讀書能屬文晚學道能使艸木皆爲火光照耀數十里行大水中身不沾濡人

有疾指之言愈卽愈出入山間石壁如有穴者後入林慮山合神丹仙去

孫昉

宋字景初爲太醫自號四休居士山谷問其說對曰麤茶淡飯飽卽休補破遮寒煖卽休

三平二滿過卽休不貪不妬  
老卽休山谷曰此安樂法也

孫

何

宋字漢公汝易人幼嗜學與丁謂齊名王禹偁尤知之以謂自唐韓柳後三百年有孫丁

也時人謂之孫丁舉進士開封禮部殿試俱第一  
弟僅字幾幾與何俱有名于時兄弟皆以進士冠天下  
士學者稱之

孫祖德

宋字延仲濰州北海人少警悟舉進士第歷殿中侍御史上疏請章獻太后還政復論郭

皇后不得擅廢宦官閤文應獻計以藥化鐵成銅可鑄錢裨國用祖德爭之出知兗徐蔡州尋



除吏部侍郎子珪

爲江東轉運使

孫

諤

宋字正臣郃武人熙寧六年擢世科又中法科第一拜右正言力論楊畏在元豐間議論

皆與朝臣合及元祐末呂大防蘇轍爲政則變而從之紹聖初則又變而偷合詭隨謂之楊三變畏以此落職又言免役者一代大法願採羣言毋以元豐元祐爲間蔡京惡之罷諤言職知廣德軍後入

元祐黨籍

孫

甫

宋字之翰陽翟人少好學日夜誦千言舉進

士累官右正言時事多所建明官至天章閣

待制著唐史七十五卷未成而卒詔藏之祕府溫公書其後云孫公此言甚自重惜常別紙其

藁於笥。莆直史館時人獻一石硯值錢三千貫。翰曰：硯有何爲如此價高也？客曰：硯以石潤爲寶，此石呵之則水流。孫曰：一担水纔值一文，何用之竟不受？

孫

諭

宋江陵人元祐間掛冠同時退休者吳師道梁宏朱光復賈亨彥張景達布衣唐愈爲七

老會五日一  
集時人榮之

孫

璉

宋字器之大庾人家貧嗜書善吟咏不應舉躬耕績屨以爲食壽百歲嘗賦述懷詩云坐

倦秋樹根攝衣步前丘橫河澹如練波月西南流獨持一樽酒悠然發清謳俯仰無不足吾生焉所求誦此詩可想見其人矣



孫方武

宋長沙人爲州學正金人入城方武率居民連日巷戰金人四面放火人皆竄伏惟方武

挺身罵不絕口

死之今祀于學

孫之翰

宋字文舉慈谿人少志學性孝友母病革剖體取肝爲粥以進越夕母如醉自醒乃底於

寧里人以其事上於郡守趙伯圭將聞於朝之翰曰本心救母他無所覲力止之卒葬五磊山

孫

緯

宋字彥文長洲人擢進士第歷宗正寺丞官至尚書郎爲人誠朴好學精于一時典故所

著有集論總錄

本朝人物志

孫自脩

宋字敬夫偕從弟自新自任從朱子游時宣王正學久衰自脩兄弟獨卽尊嚮時論違之

朱子嘗貽書商確傳訛既歿自脩追記錄一卷附載朱子語錄

孫

楙

宋字德操紹興甲戌舉進士歷判池真郢三州所至以興學節財爲務及入覲高宗申獎

曰天下有卹而辦有不卹而辦卿所謂卹而辦者也嘗論公生明上問何以生公曰廉生公又問何以生廉曰儉生廉上稱善累遷知太平州尋移温州學官有故秦檜祠楙至亟命撤之朱晦菴稱其愛立而教明古良吏也後韓侂冑用事謝官歸隱

孫道夫

宋丹陵人以張浚薦召對除祕書正字出知懷安軍知蜀綿州遇事明了有水晶燈籠之

稱累遷至禮部侍郎道夫居官一意爲民不可干以私仕宦三十年俸給多置書籍



孫

調

宋字和卿長溪人其學得朱文公之傳以排  
擯佛老推明聖經所著有策府五十卷易書

詩解中庸發題共五十卷浩齋

稿三卷學者稱爲龍坡先生

孫

壽

宋榮經人號足菴居士孝友篤實行著鄉曲  
父嘗穴山通水灌田鄉人病其氣勢不廣壽

慨然繼父志乃捐貲更鑿由是獲利者甚衆寧  
宗賜官迪功郎從子伯和亦讀書號竹溪隱士

孫

嵩

宋字元京休寧人貌奇怪趣尚幽潔以薦入  
太學宋亡歸隱海寧山中自號艮山有艮山

集誓不復仕杜門賦詠淒斷淪  
絕以寄其沒世無涯之悲焉

孫賣魚

宋不知何許人嘗賣魚楚州盛暑遇一道士  
曰汝魚餒矣食我可使活遂飲以斗酒與之

言竟曰自是決人禍福輒應後於亳州太清宮  
號咷大吳人莫之喻記其時乃汴京陷日也

尚友錄卷四

終



清方金

尚友錄卷三

閩綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

張任鄭 若虔

孫 張任郎 夢選 校正

溫 平原商音唐叔虞之後晉公族受封河內之溫  
因以命氏又郤至食采于溫小號溫季又望出



汲郡

清河

溫

恢

三國字曼基祁人年十五家足于財曰世方亂安以富爲一朝盡散賑施宗族州旅高之

累官涼州刺史

子生爵關內侯

溫

嶠

晉字太真父愴河東太守嶠博學能文丰儀秀整爲劉琨右司馬奉表江東元帝器之王

導等竝與親善後除散騎侍郎累遷開府儀同

三司嶠姑有女屬嶠爲覓婿答曰佳婿難得

如嶠者何如姑曰何敢希汝後報姑曰已得婿

矣門第人才不減於嶠因下玉鏡臺一枚旣行

婿禮女披紗扇大笑曰我故疑老奴果如卜

嶠初都督江州軍事過牛渚深不可測世傳

下多怪嶠燃犀照之奇形異狀赤衣乘馬者須臾水族覆火夜夢告曰幽明自別何意相照如此王敦旣下住船石頭欲有廢明帝意賓客盈座敦知帝聰明欲誣以不孝廢之每言帝不孝之狀皆云大真所說須臾溫至敦便奮其威容問溫曰皇太子作人何似溫曰小人無以測君子敦聲色並厲欲以威力使從已乃重問溫曰太子何以稱佳溫曰鈞深致遠蓋非淺識所測然以禮侍親可稱爲孝敦愧而銜之後嶠與陶侃共起兵討蘇峻求糧于侃侃不與嶠曰師克在和古之善教也嶠與公俱受國恩若濟則臣主同祚如不捷當灰身以謝先帝今事勢又無旋踵譬如騎虎安可中下哉公若沮衆敗事義旗將廻指於公矣侃悟分米餉嶠遂水陸



並進斬蘇峻于白石官至驃騎大將軍封始安公卒年四十二諡忠武子放之式之俱貴顯

溫子昇

南北字鵬舉博學百家文章清婉常景曰溫生是大才士孝莊以爲主客郎中濟陰王暉

業嘗云江左文人宋有顏延之謝靈運梁有沈約任昉我子昇足以凌顏轢謝舍任吐沈庾

信自南朝至北方惟愛子昇寒山寺碑云惟寒山一片石堪共語耳陽夏守傅標使吐谷渾

見其國主牀頭有書取視之乃子昇文也

溫大雅

唐字彥宏與弟大臨字彥博大有字彥將俱知名薛道衡見之曰三人皆卿相才也與董

常等詣河汾師事王通受王佐之道太宗朝大雅封黎國公大臨拜中書令

溫造

唐字簡輿大雅五世孫父佶安祿山亂往見平原太守顏真卿助爲守計造姿表魁傑性

嗜詩書隱東都王屋山慨然有高世之心河陽節度使烏重胤以禮聘至幕下後遷殿中侍御史抗疏劾夏州節度李祐違詔進馬祐曰吾雪夜入蔡州擒吳元濟未嘗動心今日膽落于溫御史矣

溫庭筠

唐彥博裔孫少敏悟工爲辭章與李商隱齊名號溫李作賦八叉手而八韻成大中末授

方山

尉

溫

璋

唐爲京兆尹設鈴以通冤訴者一日聞挽鈴聲視之乃鴉也璋曰是必訴人採子命吏視



之果得採子者累  
官有政績賜金紫

溫廷皓

唐咸通中署徐州幕府值龐勛反以刃脅之  
作表罵曰我豈以筆墨事汝邪速殺我勛笑

曰儒生  
有膽耶

溫

革

宋石城人寶元中上書願納家貲盡市國子  
監書得請歸勅講堂開義學遠近之士多就

教育鄉俗  
陶其善化

溫

憲

宋咸通中及第與  
張喬等爲十哲

袁

汝南羽音陳胡公七代孫莊伯生諸孫濤塗以  
王父字爲氏世爲東上卽又聖出陳留新成其

後去車為袁或作爰實同出一源也

袁

盎

漢字絲文帝時為中郎將上欲西馳下堦坂盎曰臣聞千金之子坐不垂堂聖主不乘危

不徼倖陛下縱自輕如高廟何上乃止帝與慎夫人同坐盎引卻其坐曰陛下獨不見人彘乎

袁

著

漢汝南人年十九見梁冀凶縱上書劾之冀殺之

袁

安

漢字邵公汝南人徵時客洛陽時大雪洛陽令按行至安門門閉無行跡令人除雪入戶

見安僵臥曰大雪人皆餓死豈宜千人令舉為孝廉建初中為河南尹在職十年政尚慈愛上諭之曰孫寶行秋霜之誅袁安留冬日之愛累官司空復為司徒子敞孫湯曾孫逢四世三公



安子京字仲譽少無進取志隱居縣城東北隅五里山後人因其姓遂名曰袁山豫章太守爲京立高士坊習孟氏易作難記三十萬言後官至侍中京子賀爲彭城相卒于官賀子

閔字夏甫與兄弟迎父賀喪不受賻贈纒經扶柩冒犯寒露體貌枯毀手足血流見者莫不傷悼後陳蕃薦其可登三事桓帝以安車徵之及朋黨事作閔乃築土室潛身十八年絕不見客旦暮于室中向母禮拜雖子往亦不得見子亦向戶拜而去首不著巾身無單衣足著木屐母死不列服位范滂美而稱之曰隱不違親貞不絕俗可謂至賢矣閔子弘字紹甫恥其門族

貴勢乃變姓名徒步師門不應徵辟終于家安曾孫逢字周易以累世三公子寬厚篤信著

稱于時官至司空子基位至太僕弟隗官至太傅世皆歷顯官安玄孫紹字本初有姿貌威容愛士養名既累世台司賓客所歸皆傾心折節莫不爭赴其廷士無貴賤與之抗禮輜輶紫轂填接街陌歷大將軍兼督冀青幽并四州牧討曹操不克軍潰于倉亭疾作卒

袁

玕

漢陽羨令造長橋以利涉玕生有神異能逆知水旱無疾而卒邑人至今祀之

袁藏機

漢有三鳥犬類鶴每翔空而飛呼之即下令授人語故謂之傳語鳥

袁

宏

晉字彥伯小字虎自少有逸才謝安輩重之爲東陽太守安以扇贈行宏曰當奉揚仁風慰彼黎庶所著有咏史詩及東征等賦世稱其美宏作東征賦都不道陶公胡奴誘之狹



室中臨以白刃曰先公勲業如是公作賦如何  
相忽略宏窘感無計便答我大道公何以云無  
因誦曰精金百鍊在割能斷功則治人職思靖  
亂長沙之勲爲吏所讚桓宣武北征宏時從被  
責免官會須露布文喚宏倚馬前令作俄得七  
紙殊可觀東亭在側極嘆其才云當令齒舌間  
得利復命作北征賦旣成宣武與時賢共看咸  
歎嗟之時王珣在坐云恨少一句得寫字足韻  
當佳宏卽于坐攬筆益云感不絕于予心泝流  
風而獨寫公謂王曰當今不得不以此事推袁  
情秀發善音樂舊歌有行路難曲辭頗疎質  
山松好之乃文其辭句婉其節制每因酣醉縱  
歌之聽者莫不流涕初羊曇善唱樂桓伊能挽

袁山松

晉陽夏人少有才名博學有文著後漢書襟

歌及松行路難繼之時人謂之三絕時張湛好  
于齋前種松柏崧每出遊好令左右作挽歌人  
謂湛屋下陳尸崧道上行殯歷官吳郡太守  
孫恩作亂城陷被害嘗撰後漢書一百卷

袁

羊

晉字彥升陳郡人孝武將講孝經謝公兄弟  
與諸人私庭講習章武子苦難問因謂羊曰  
不問則德音有遺多問則重勞二謝袁曰必無  
此嫌車曰何以知爾袁曰何嘗見明鏡疲於屢  
照清流憚  
於惠風

袁

耽

晉字彥道陽夏人少有才氣倜儻不羈爲士  
類所稱相溫少時遊于博徒貲產俱盡尚有  
負逋無白振之方莫知所出欲求濟於耽而耽  
在艱試以告焉耽略無難色遂變服懷布帽隨



溫與債主戲耽素有藝名債者聞之而不相識  
謂之曰卿當不辦作袁彥道也遂就局十萬一  
擲直上百萬耽投馬絕叫探布帽擲  
地曰竟識袁彥道不其通脫若此

袁

豹

晉字士蔚陳郡人隆安中爲著作佐郎累遷  
太尉長史丹陽尹殷仲文天才宏瞻而讀書  
不甚廣傅亮歎曰若使殷仲  
文讀書半袁豹才不減班固

袁

粲

南北字景倩少孤好讀書及長有風操嘗著  
妙德先生傳仕宋累官左僕射出鎮石頭城  
爲劉僧靜所殺子最以身衛父俱死粲語最曰  
我不失爲忠臣汝不失爲孝子 粲疎放好酒

嘗散步白楊郊野間道遇一士人便呼與酣飲  
明日此人謂被知遇詣門求通粲曰昨日飲酒

無偶聊相邀爾勿復爲煩粲嘗謂周旋曰昔一  
國中有水號曰狂泉國人飲之無不狂者惟國  
君穿井而汲獨得不狂國人旣竝狂反謂國主  
之不狂爲狂於是共執國主療其狂疾火艾鍼  
藥畢具國王不任其苦於是到泉所酌泉而飲  
之飲畢便狂君臣大小其狂若一衆乃歡然我  
旣不狂難以獨立  
此亦試飲此水矣

袁

象

南北字緯才陽夏人仕宋爲武陵內史兄顗  
見誅宋明帝投尸江中象與舊奴一人微服

求尸四十餘日乃得密瘞石頭後圖尋改葬焉  
初象幼而母卒養于伯母王氏象遂事之如母

袁廓之

南北字思度陽夏人因父死非命終身不聽  
音樂布衣蔬食足不出戶誓不臣宋時人比



之晉王哀云顏延之每見歎曰有子如袁廓之足矣後仕齊爲太子洗馬

袁

昂

南北字千里粲從弟仕南齊爲尚書令明帝謂曰昂昂千里駒在卿有之今改卿名爲昂

字千里昂立朝謇諤不趨權勢後復仕梁爲吏部尚書梁武詔曰齊明帝用卿爲黑頭尚書朕用卿爲白頭尚書世號宗臣雅有人鑒被接見者亦號爲登龍門云

袁

淑

南北文冠當時作赤鸚鵡賦及見謝莊賦歎曰江東無我卿當獨步我若無卿亦一時之

傑宋元嘉中官至左衛率及逆劬弑文帝

淑切諫被殺孝武帝起兵誅劬遂加封贈

袁

曜

南北字景騰博學俊才性不矯俗其兄翻嘗謂人曰曜我家千里駒也歷任尚書都兵郎

中散騎

常侍

袁

憲

南北字德章幼聰敏國子博士周弘正將升講堂授以麈尾令升講坐論說曰此兒已堪

代博士矣時生儒對策多行賄賂其父君正曰我豈用錢爲兒買第邪尋擢高等陳宣帝朝爲右僕射嘗陪宴承香閣帝徙席山亭談宴終日帝謂樊俊曰袁家固謂有人憲兄樞爲左僕射臺省目樞爲太僕射憲爲小僕射憲子朗仕陳後主命其爲月賦一篇灑然無留思後主曰謝莊不得擅美于前矣復詔爲芝艸嘉蓮二頌帝歎賞尤厚唐太宗朝爲給事中次子承序唐太宗崇選僚屬問梁陳名臣子弟誰可舉者岑文本曰昔陳亡百司奔散袁憲朝服立後



主傍白刃不避其子承序風標  
清亮無愧先烈乃召拜晉王友

袁聿脩

南北字叔德爲尚書郎十年未曾受升酒之  
遺邢邵嘗呼爲清郎後爲太僕少卿出使巡

省邢邵送白紵爲信不受邵曰今日復作清卿  
矣叔德嘗候李僧伽先減僕從然後入門曰  
見此賢令吾

羞對軒冕

袁

皓

唐字退山宜春人博學能文咸通間舉進士  
累官書撫二州刺史集賢殿圖書使自號碧

池處士有碧池書三十

卷集道林士詩二卷

袁天綱

唐成都人有風鑑應驗不可勝紀太宗召見  
曰古有吾平朕今得爾何如對曰彼不逢時

臣固勝之子客師

傳其術無不奇中

**袁利貞**

唐字敬孫高宗時爲太常博士帝欲大會群臣命嬪合宴宣政殿利貞上疏諫以爲非命

嬪宴會之所帝納之詔曰卿奕葉忠鯁能抗疏規朕之失不厚賜無以勸能者賜物百段

**袁仁敬**

唐開元中爲杭州刺史時玄宗自擇諸司長官以仁敬刺杭詔宰相諸王御史以上祖道

洛濱賜詩親書以寵其行仁敬治郡之暇嘗種九里松

**袁誼**

唐爲蘇州刺史司馬張沛嘗白誼曰州得一長吏隴西李贛天下甲門也誼曰夫門戶者

貴顯耳若名節爲天下所高老夫是也山東人尚婚媾求祿利耳至見危受命則無人焉何足



尚邪沛

大慚

袁光廷

唐天寶中安祿山構難西北戍兵悉入援故河隴郡縣皆陷吐蕃惟河西戍將袁光廷爲

伊州刺史固守歷年雖游說百端終不降諸下同心無攜叛者及糧竭手殺妻子自焚死建中

初贈工

部尚書

袁人傑

唐無爲人唐末盜賊充斥人傑以土豪招集強壯保障一方賊大入人傑挺身血戰度不

能去仰天大呼自刎而死尸僵立者累日

賊驚異舍其境遁去鄉人收葬立祠祀之

袁

樞

宋字幾冲建安人幼穎悟七八歲時題詩屏間云泰山一葉輕滄浪一滴水我觀天地間

何嘗猶一此指衆大奇之  
乾道間分脩國史

何啻猶一指衆大奇之 乾道間分脩國史章  
子厚家乃同里力求潤飾其傳樞曰吾爲史官  
法難隱惡寧負鄉人不可負天下後世公議時  
相趙雄歎曰無愧古良史矣 樞所居有飛瀑

梅竹之勝爲樓臺亭榭其上扁曰梅巖日杖屨  
往來賦詩飲酒其間 官至祭酒遷寶謨待制

**袁逢吉**

宋字延之鄱陵人父蟾大理評事逢吉四歲  
能誦爾雅孝經七歲兼通論語尚書開寶中

擢三傳第累官鴻臚少卿性脩謹練達事務子  
成務京東轉運副使從子楚材虞部員外郎

**袁**

**穀**

宋字容直鄆縣人嘉祐中進士少以詞賦得  
名知邵武軍條鹽法利害以便民奏減其

邵人祠之累官朝奏大夫穀

博貫羣書所著有韻類百卷



袁

抗

宋字立之南昌人舉進士呂夷簡執政或諷以私謁訖不往自廣南提刑還橐中無銖兩

南貨累官至少府監抗喜藏書至萬餘

卷子陟好學善爲詩登第官至殿中丞

袁

昇

宋鄞縣人初爲郡吏五旬無子其妻付貲往臨安買妾旣得妾察其有憂色且以麻束髮

問之泣曰妾乃趙知府女也家四川且貧母鬻妾爲歸葬資耳昇卽送還母泣曰財已破用昇曰願相送復以橐中資贈之而歸妻迎問曰妾安在遂告其故妻曰君設心如是不患無子明年生子韶

後爲顯官

袁

中儒

宋理宗時知常德府事善政及民興文學厚士風嘗于江南籍沒田一區名貢士莊以資

入省

者

袁

鎮

宋奉化人養親孝謹百事備至雖顛沛不廢  
溫清之禮端平初父年七十病羸更盥禱弗

驗乃一再剖股和藥以進父病垂絕復存者十  
有五年異母兄有虐之者鎮友事益謹孝弟之  
稱無間戴表元爲作

遷祔記以表其行

袁

鏞

宋鄞縣人咸淳進士尚氣節元兵至鄞鏞往  
軍前責以大義遂遇害初孫士元薦鏞爲翰

林國史檢討官不就

所著有書林外稿

原

周文王第十六  
子原伯之後



原憲

周字子思宋人孔子弟子原思也爲人狷介所居蓬樞甕牖正冠則纓絕振襟則肘見納

履則蹶決子貢過之曰夫子病乎憲曰無財之謂貧學道而不能行之謂病若思貧也非病也

唐贈原伯宋加封任

城伯今祀稱先賢

原亢

周孔子弟子字子籍魯人宋封樂平侯

原涉

漢字巨先南陽太守常例二千石官賦斂送葬皆萬以上時又少行三年喪者涉父死讓

還賻送扶柩歸

葬廬墓三年

源

出自代北禿髮儁檀之子賀入後魏太武曰與卿同源可謂源氏又望出西平

源

賀

南北西平人偉容貌事魏賜爵西平侯以功進平西將軍太武征涼州以為鄉導累官冀

州刺史封隴西王嘗土十二陣區卒贈侍中謚

曰宣子思禮賜名懷謙恭寬雅有大度文成

末為侍御中散詔持節巡行北邊鎮恒

燕朔三州上事宜三十餘條皆見嘉納

源

休

唐使回紇有口辯欲殺者數四不屈使還除光祿卿

源

乾

唐湘州臨漳人第進士神龍中以殿中侍御史出知江東遷諫議大夫開元中拜相帝東

幸以京兆尹留守京師治

尚寬簡居三年政如始至

轅

陳轅濤之後



轅

豐

漢建始間爲長安令治有能名擢拜司隸校尉

轅

固

漢齊人治詩景帝時爲博士以廉直拜清河王太傅以疾免武帝立復以賢良徵諸儒多嫉毀之曰固老罷歸之時年已九十餘公孫弘亦被徵仄目事固固曰公孫子務正學以言毋曲學以阿世諸齊以詩顯者皆固弟子也

爰

望出櫟陽卽袁氏陳胡公裔九代孫爰伯諸之後

爰

延

字季平陳畱外黃人爲侍中桓帝嘗問朕何如主對曰中主帝曰何以知之曰尚書

陳蕃任事則治中常侍黃門預政則亂是以知之帝嘉其言後拜大鴻臚

垣 漢西河太守  
垣恭之後

垣

敞

南北燕人與二子遵苗歸晉敞拜龍驤將軍苗子護之字彥宗少倜儻氣幹強果仕宋

為殿中將軍累遷鍾離太守義宣反護之率水兵大破賊將封益陽縣侯拜青冀二州刺史尋徵為右將軍卒謚壯侯護之兄詢之驍勇有力梁山之役力戰中流矢卒贈冀州刺史詢之子崇祖字敬遠年十四有幹畧護之曰此兒必高大吾門歷琅琊蘭陵太守齊高帝踐祚徙為豫州刺史魏攻宜春立堰塞淝水起小城崇祖謂長史曰虜必攻小城即破堰放水豈非小勞而大制耶魏軍果溺死數千即退走後以功進都督崇祖從兄榮祖父諒之仕宋為中郎府



叅軍榮祖善騎射建中時爲後軍叅軍後歸高  
帝除東海太守見鵠翔雲中曰當生取之乃彈  
其兩翅毛脫墜無傷預佐命  
勲封將樂縣子遷兗州刺史

**樊**

上黨商音文王後虞仲支孫爲周  
卿士食采于樊因氏又望出南陽

**樊仲父**

上古堯時人率牛飲水見巢父洗  
耳乃驅牛還耻令其牛飲于下流

**樊須**

周字子遲魯人孔子弟子  
唐封郃伯宋封益都侯

**樊**

**噲**

漢沛人以屠狗爲事從高祖起豐及與項羽  
會鴻門羽有殺沛公意張良出謂噲曰今項

莊拔劍舞其意常在沛公也噲卽帶劍擁盾入  
軍門瞋目視羽頭髮上指目眦盡張裂羽曰壯士

賜之卮酒一生彘肩噲立飲咍之羽曰復能飲乎噲曰臣死且不避卮酒安足辭夫秦虎狼也天下皆叛沛公先破秦入咸陽勞苦而功高如此未有封爵之賞而聽細人之說欲誅有功之人此亡秦之續耳竊爲將軍不取也沛公欲亡去而以未辭難噲曰大行不顧細謹大禮不辭小讓今人方刀俎我爲魚肉何辭爲沛公遂脫歸高帝有疾臥禁中詔戶者莫得入絳侯灌嬰等莫敢入十餘日樊噲排闥直入大臣隨之噲等見上枕宦者臥流涕曰始陛下起豐沛至定天下何其壯也今天下已定又何憊也且陛下獨不見趙高之事乎帝笑而起噲累從征戰多立大功

封舞陽侯



樊準

漢和帝時爲尚書郎以儒風寢衰上疏陳得失略曰人君不可以不學光武受命中興不

樊

重

漢家貲鉅萬賑給宗族恩加鄉閭貸人以數百萬臨終遺命焚其契券

重子宏光武之

舅有大志帝卽位拜光祿大夫封壽侯侯畏慎不求苟進戒其子曰天道惡滿而好謙今保身

全已豈不樂哉宗族化之未嘗犯法 宏子儵

字長魚謹約有文事後母至孝及母卒哀毀過

禮帝嘗遣黃門朝暮送饘粥諭之節哀儵受公  
羊嚴氏春秋於丁恭廼刪定二氏春秋章句世  
號樊侯學教授門徒幾千餘人宏孫準字幼  
陵和帝時爲鉅鹿太守歲饑民流準課農桑施  
方略明年歲大豐穀價賤十倍趙魏之間數遭  
遭寇掠準外禦盜賊內撫百姓境內以安

樊

曄

漢字仲華新野人光武微時以事拘新野曄  
爲市吏餽餌一笥帝德之及卽位拜天水太

守善惡立斷吏民及羌胡  
畏之刑罰幾措道不拾遺

樊

英

漢字季齊魯陽人習京氏易兼明五經善風  
角州郡交辟皆不就嘗有暴風起西方英曰

此成都市火甚盛因漱水作雨息之後成都人  
至詢之果然順帝備禮徵之稱病不屈詔以爲



光祿大夫

樊子蓋

隋字華宗仕爲武威太守以善政聞煬帝曰人道公清果如人言不子蓋謝曰臣安能清只是小心不納賄耳帝乃賜口味百餘斛後陪宴積翠池帝親以金杯屬子蓋酒曰良算嘉謀侯公後動卽以此杯賜公用爲高年之瑞

樊

澤

唐有將帥才德宗召對延英稱旨後拜相子宗師字紹述力學博覽著春秋傳樊子凡百餘篇不蹈襲前人一言一句號澀體終諫議大夫韓愈稱議論有經據嘗薦其才可用

樊智遷

唐蜀郡太守秩滿去任民歌曰太守來門夜開太守去民惶懼

樊資深

宋字逢原少遊汴從司馬溫公學皇祐初中拔萃異科授潞州別駕致仕歸資淡性剛

介博通經史睦姻族鄉人之貧無食者濟之以粟死無棺者助之以木家居二十年費以萬計

樊若水

宋池州人舉進士不第謀歸宋釣魚采石饑以小舫載絲繩其中維南岸疾棹抵北岸計

江之廣狹丈尺詣闕上書言江南可取狀請造浮梁以濟師帝然之及師南下試舟於采石不差尺寸大軍渡江若履平地焉帝擢若水爲右贊善大夫

言

汝南

言

偃

周字子游吳人北學于中國受業孔子在文學科爲武城宰以禮樂爲教知臧明賢而取



之爲聖門高弟唐贈

吳侯宋改封吳公

敦

陳留姑姓之後又云秦史敦之後

敦

洽

周衛醜人

論

盧昆切吐番大姓祿東贊之後

論

瑤

唐字惟貞以字行本吐蕃族也開元末爲左武衛右將軍遷光祿卿李光弼討史朝義以

惟貞守

徐州

渾

平聲河南鄭大夫渾罕渾良夫之後

渾釋之

唐蘭州人有將才世爲本州都督從朔方軍戰功居多累遷開府儀同三司封寧朔郡王

與吐蕃戰歿

子臧年十一

善騎射隨釋之防

秋節度張齊丘戲曰與乳媪俱來耶是歲立跳

盪功從破河魯部勇冠三軍後從李光弼定河

比又從郭子儀復西京討安慶緒功勲赫奕吐

蕃常曰唐之良將渾瑊馬燧李晟而已當以計

去之則唐可圖矣官至檢校尚書右僕射同平

章事封咸寧王

瑊性謙謹雖位窮將相無自

矜大之色每貢物必躬自閱視受賜如在上前

每奏事上有不從者退輒私喜

曰上不疑我矣故能以功名終

根

見姓苑



根牟子

周著書

繁

音晏商人七族有繁氏潁川又望出上黨

繁

欽

晉字休伯以文章機辯少得名譽于汝潁間欽既長于書記又善為詩賦率皆巧麗為丞

相主

簿

十四寒

韓

南陽商音唐叔虞之後曲沃桓叔之子萬食邑于韓原因氏

韓

非

周韓之諸公子與李斯俱事荀卿善刑名法韓之學作說難孤憤五蠹說林共五十餘篇

號韓

井子

韓

朋

周爲大夫妻美貌康王奪之韓被囚自殺妻乃陰腐衣王與登臺自投下王速牽衣衣裂

道書于帶願以尸與朋合葬王怒令兩塚相望

經宿忽梓木生于二塚根連于下枝連于上有

二鳥如鴛鴦常栖其上旦

暮悲鳴時謂二人之精魂

韓

信

漢淮陰人貧甚釣于城下漂母憐而飯信信曰吾必有以重報母母怒曰大丈夫不能自

食吾哀王孫而進食豈望報乎又嘗見辱於屠

中少年曰子每好帶劍能死刺我不能出我勝

下信俛首蒲伏出其勝下市人皆笑信爲怯及

項梁渡淮信仗劍從之信數以筴干羽羽不能

尚友錄

卷五 韓

十八



用從閭道歸漢滕公薦于漢王以爲治粟都尉  
蕭何與語奇之漢王未及重用信亡去何自策  
騎追之及還薦信于王曰諸將易得至如信者  
國士無雙王必欲爭天下宜設壇具禮拜信王  
從之信既受命引兵從故道出襲雍定三秦擒  
魏取代什趙脅燕破楚下齊立爲齊王將兵會  
垓下漢取天下大抵皆信之功後徙爲楚王信  
至楚召漂母酬以千金召辱已少年以爲中尉  
告諸將曰此壯士也方辱我時寧不能殺之耶  
後高祖僞遊雲夢擒信貶爲淮陰侯後爲呂后  
所殺臨刑嘆曰狡兔死走狗烹飛鳥盡良弓藏  
敵國破謀臣亡天下已定臣固當烹三傑之一

韓

嬰

漢燕人文帝時爲博士推詩人之意作內外  
傳數萬言亦推易意爲之傳武帝時與董仲

舒論于上前仲舒不能難孫商亦爲博士

韓

福

漢涿人以行義脩潔著昭帝時將軍霍光秉政表顯義士郡國條奏行狀天子謂福等行義最高徵至京兆病不得進元鳳元年詔策曰朕愍勞福以官職之事賜帛五十疋遣歸其務脩孝弟以教鄉里福歸終身不仕卒于家

韓伯俞

漢梁人性至孝時有過母杖之大泣母口往者杖汝常悅受之今者杖汝何得悲泣伯俞曰往者杖常痛知母康健今杖不痛知母力衰是以悲泣

韓

韶

漢長社人就辟爲泰山嬴長賊聞其賢相戒不入境流民入縣界者甚衆韶愍其饑開倉



賑之主者爭不可韶曰長活溝壑之人而以此  
伏罪含笑入地矣子融少有幹局累官至太僕

韓

說

漢字叔儒山陰人博通五經尤善圖緯之學  
舉孝廉與議郎蔡邕友善數陳災眚稍遷侍

中光和元年十月說言于靈帝云其晦  
日必食乞百官嚴裝帝從之果如所言

韓

稜

漢字師伯下邳令來人德之立廟以祀徵拜  
司空平生不飲酒一日侍上忽醉上問其故

稜對曰臣今日降旦邳人或奠爵爾遣使  
微訪果然唐宋以來俎豆不絕封淵德公

韓

順

漢字子良天水紀人以素行清白辟州宰不  
詣王莽末隱子南山地皇四年漢起兵于南

陽順同縣隗囂等起兵自稱上將軍西州大震  
唯順脩道山居執操不回囂以道術深遠遣人

賁壁帛卑辭聘順欲以爲師順因使謝囂曰禮有來學義無往教卽欲相師但入深山來囂聞囂然不能強屈其後囂等皆滅惟順山棲安然以貧潔自終

韓

歆

漢歆好直言無所隱諱光武不能容歆又嘗於帝前證歲將饑指天畫地忠誠所發言甚剛切坐免歸田里帝猶憾之不釋復遣使宣詔責之歆及子嬰皆自殺歆素有重名死非其罪衆心不服帝知有外議甚悔乃以錢穀賜其家仍以成禮葬之

韓

康

漢字伯休霸陵人家世著姓康賣藥長安市口不貳價三十餘年時有女子從康賣藥康守價不貳女子怒曰公是韓伯休耶乃不貳價康歎曰我本避名今女子皆知何用藥爲遂隱



霸陵山中連徵不起桓帝備立纁安車聘康康  
辭安車自乘柴車冒晨先使者發至亭亭長以  
韓徵君當過方發人牛脩道及見韓柴車幅巾  
以爲田叟使奪其牛有頃使者至奪牛翁乃徵  
君也後竟  
道中遁去

韓

玠

漢爲袁紹別駕袁將焦觸背袁向曹率諸太  
守殺白馬盟令曰違者斬以次歃至玠曰吾

受袁恩智不能救勇不能死于義闕矣若北面  
曹氏所不能爲也一坐爲玠失色曹操聞玠節  
甚高之屢辟  
不至卒于家

韓延壽

漢字長公燕人爲左馮翊行縣至高陵民有  
昆弟相與訟田延壽入傷之曰幸得備位爲

郡表率不能宣教明化至今民有骨肉爭訟旣傷風化咎在馮翊因閉閣思過一縣莫知所爲令丞以下亦皆自繫待罪於是訟者自悔肉袒謝罪願以田相讓終死不敢復爭郡中翕然相飭勵不敢犯延壽恩信周徧二十四縣莫敢以辭訟自言者推其至誠吏民不忍欺給初延壽爲潁川太守改趙廣漢之政教民禮讓後黃霸因其迹而大治後被蕭望之所誣有司承望風旨論棄市三輔百姓聞者莫不垂淚

韓

當

三國遼西人以便弓馬有膂力幸于吳孫堅從征伐犯危難陷敵擒虜爲別部司馬後與

周瑜俱破曹操與呂蒙襲取南郡官至昭武將軍封都亭侯



韓暨

三國字至公堵陽人祖術河東太守父純陽郡太守祠縣陳茂字暨父致大辟暨殺茂以

首祭父墓由是顯名仕魏爲太常崇明正禮廢去淫祀累官至司徒卒諡恭侯

韓伯

晉字康伯長社人清和有思理留心文學勝氣籠霄飛談捲霧其八舅殷浩及王坦之皆見

推獎官至

吏部尚書

韓

績

晉字興齊廣陵人少好文學以潛退爲操東士竝宗敬之王導辟爲掾不就咸康中召拜

博士稱老

病卒于家

韓麒麟

南北仕魏爲濟州刺史爲政尚寬從事劉普慶說曰公杖節方夏不誅斬何以示威麒麟

曰刑罰所以止惡仁者不得已而用今民不犯法又何誅乎若必斷斯然後可以立威請以卿應之普慶慚懼而退

**韓靈敏**

南北會稽人蚤孤與兄靈珍並有孝性母亡家貧無以營葬兄弟共種瓜半畝朝采瓜子

暮生已復如此遂辦葬事

**韓係伯**

南北襄陽人事父母謹孝鄰居種桑樹于界上爲誌係伯以桑枝蔭妨他地遷界上開數尺隣畔隨復侵之係伯輒更改種久之隣人慙愧還其所侵地躬往謝之

**韓懷明**

南北上黨人客居荊州十歲母患尸注每發輒危殆懷明夜于星下稽顙祈禱時寒甚忽



聞香氣空中有人曰童子母須臾自差無勞自苦未曉而母平復鄉里以此異之

**韓擒虎**

隋字子通河東人容貌魁岸文帝時拜廬州總管委以平陳之任及大舉擒虎以輕騎五

百直取金陵陳平

進位至上柱國

**韓**

**洪**

隋字叔明少驍勇膂力過人平陳之後授行軍總管晉王廣大獵于蔣山有猛虎在圍中

衆皆懼洪馳馬射之應弦而

倒尋以功加柱國蔣州刺史

**韓**

**綽**

隋南燕人爲右僕射封嵩爲左僕射嵩弟融爲東中郎將綽弟軌爲西中郎將四人同拜

帝曰躍二龍于長

衢騁雙驥于千里

韓

瑗

唐永徽初高宗欲立武氏爲后褚遂良極諫帝怒貶遂良瑗因間奏事涕泣力救復上疏

曰遂良體國忘家風霜其操鐵石其心社稷之舊臣陛下之賢佐願鑒無辜稍覺非罪上納之

韓

嫣

唐好彈以金爲丸一日失者十數長安爲之語曰若饑寒逐彈丸嫣出則隨之

韓

幹

唐善畫馬古今無兩

韓思復

唐爲滁州刺史黃芝五莖生州署民刻石紀頌之遷御史大夫卒元宗親題其碑曰有唐

忠孝韓長者之墓

子朝宗爲荊州刺史李白

與書云生不願對萬戶侯但願一識韓荊州襄

州有二井飲者多死朝宗移書

諭神飲者無恙人號韓公井



韓

休

唐開元中拜相休爲人峭直不干榮利及爲相甚允時望又能守正不阿宋璟歎曰不意

韓休乃能如是所謂仁者之勇也玄宗或小有過差輒問左右韓休知否言終諫疏已至左右曰韓休爲相陛下殊瘦於舊何不逐之上曰吾貌雖瘦天下則肥蕭嵩順旨吾退不安韓休力爭吾退乃安吾用韓休爲社稷耳非爲身也

休頭銳稱筆頭公

子滉性節儉衣裘襦十年

一易門當列戟以父時第門不忍壞乃不請居重位清潔嫉惡不爲家人資產幼時已有美名所與游皆天下豪傑德宗因避亂奉天歲饑乏糧滉遣何士幹貢綾羅四十檐運米數百艘又以米百艘餉李晟衆賴以全初滉在鎮海聚兵脩城或譖其陰蓄異志上疑之李泌曰滉公

忠清儉貢獻不絕脩城爲迎扈之備耳此乃人臣忠篤之慮奈何更以爲罪乎臣請以百口保滉願陛下面諭滉子韓臯使之歸覲令滉速運糧儲此朝廷大計也上卽諭韓臯歸滉感悅卽日運米百萬斛聽臯留五日還朝自送至江上冒風濤而遣之初陳少遊卒大將欲自爲留后滉遣使謂之曰汝敢爲亂吾卽日全軍渡江誅汝矣上聞之喜謂李泌曰滉不惟安江東又能安淮安真大臣之器卿可謂知人遂加滉同平章事江淮轉運使滉入貢無虛月朝廷賴之先是關中倉廩虛竭禁軍脫巾呼於道曰拘吾於軍而不給糧吾罪人也上憂之滉卽貢米數萬斛李泌上奏上喜遽至東宮謂太子曰韓滉米已至陝吾父子得生矣初滉過汴與劉



玄佐約爲兄弟。滉曰：弟何時入朝？玄佐曰：久欲入朝，力未能辦。滉曰：滉力可及，乃遣玄佐錢二十萬緡，備行裝。滉留大梁三日，大出金帛賞勞一軍，爲之傾動。玄佐驚服，遂與之俱入朝。滉

爲人彊力嚴毅，自奉儉素。夫人常衣絹裙，破然後易。久在二浙，所辟僚佐各隨其長。有故人子

相謁，考其能一無所長，因與宴，竟席未嘗左右視，因使監庫門。其人終日危坐，其能用，人如此。

韓

翊

唐字君平，南陽人。仕爲駕部郎中，知詔誥，有能詩名，號大歷才子。時有兩韓翊，其一爲刺

史，時制誥闕人，上御批與翊宰相，請與何韓翊。德宗誦君平寒食詩云：春城無處不飛花，寒食東風御柳斜。日暮漢宮傳蠟燭，輕烟散入五侯家。與此韓翊，終中書舍人。翊落寞時，與一李

生善李家累千金負氣愛才有幸姬曰柳氏豔  
絕一時善謳詠李生居之別第館翊於側翊雖  
貧所往來候問者皆一時之彥柳氏自門窺之  
謂侍者曰韓夫子豈長貧賤者乎遂通意焉李  
生素重翊後知其意乃具酒殽酣飲以柳氏贈  
翊又以資三十萬佐翊之費明年禮部侍郎楊  
渡擢翊上第柳氏勸翊回家省親於是翊省家  
於清池天寶末盜覆二京士民奔駭柳氏以豔  
懼見辱乃于法靈寺剪髮爲尼侯希逸節度淄  
青素藉翊名請爲書記及宣宗反正翊乃遣人  
奉麩金并詩求柳氏詩云章臺柳章臺柳昔日  
青青今在否縱使長條似舊垂亦應攀折他人  
手柳氏見詩嗚咽答云楊柳枝芳菲節所恨年  
年贈離別一葉隨風忽報秋縱使君來豈堪折



無何被番將沙吒利劫歸爲妾及希逸除左僕射入覲翊得從行至京已失柳氏所在一日偶于龍首岡見車中女問曰得非韓員外乎某乃柳氏也失身於沙吒利幸詰旦相待於通政里門及期而往以輕素結玉合實以香膏自車中投之曰當遂永訣遂回車而去翊大不勝情意色皆喪希逸府中有虞侯許俊者素以材力自負見翊所爲撫劒言曰必有故願一效用翊不得已具以告之俊曰請足下數字當立致之俊乃徑造沙吒利之第候吒利出行里餘俊力被衽執轡排闥呼曰將軍中惡使召夫人僕妾辟易遂升堂出翊扎示柳氏挾之跨鞍馬倏忽而至引裾而前曰幸不辱命柳氏與翊交泣哽咽是時沙吒利恩威火赫翊俊懼禍乃詣希逸暴

明希逸大驚曰吾平生所難事俊乃能爾遂上  
疏曰檢校尚書金部員外郎兼御史韓翊久列  
叅佐累彰勲効頃從鄉賦有妾柳氏阻絕兇寇  
依正名尼今文明撫運遐邇歸化將軍沙吒利  
兇恣撓法憑恃微功驅有志之妾干無爲之政  
臣部將兼御史中丞許俊族本幽薊雄心勇決  
却奪柳氏歸於韓翊義切中抱雖昭感激之誠  
事不先聞固乏訓齊之令尋有詔柳氏宜歸韓  
翊許俊欽賜錢二百萬其  
後柳氏遂得與翊偕老焉

韓

愈

唐字退之南陽人七歲讀書日記數千言比  
長盡通六經百家之學擢進士第累官刑部

侍郎時憲宗迎佛骨入內愈上表切諫以爲佛  
本夷狄自古無有至漢明帝時其教始入中國



就使其身尚在來朝京師陛下不過宣政一見  
賜衣一襲衛之出境不令惑衆也况其朽骨豈  
宜入宮乞投諸水火以斷天下之疑佛如有靈  
能禍福人凡有殃咎宜加臣身上大怒將加極  
刑裴度崔群爲言乃貶愈爲潮州刺史時潮有  
鱷魚爲民害愈爲文祭之鱷患乃息尋改袁州  
召拜國子祭酒歷轉吏部侍郎卒贈禮部尚書  
諡曰文愈爲文粹然一出于正輔翊六經學者  
仰之如泰山北斗云 皇甫湜稱退之文曰穿  
天心出月脇柳子厚嘗得昌黎集先以薔薇露  
浣手然後讀 愈父仲卿爲武昌令伯父雲卿  
爲禮部郎中叔父紳卿涇陽令 愈子昶幼聰  
穎長慶中第進士爲集賢校理 愈姪湘字清  
夫祖介父老成蚤卒湘幼育于愈落魄不羈愈

勉之學湘曰吾所學非公所知公使言其意作  
詩曰青山雲水窟此地是吾家後夜瀉瓊液凌  
晨咀絳霞琴彈碧玉調爐養白朱砂寶鼎存金  
虎元田養白鴉一瓢藏世界三尺斬妖邪解造  
逡巡酒能開頃刻花有人能學我同去看仙葩  
公曰子能奪造化乎曰茲事甚易卽聚土以盆  
覆之良久花開花片上出金字一聯云雲橫秦  
嶺家何在雪擁藍關馬不前公不曉湘曰事久  
可驗後公貶潮州途中遇雪俄有人冒雪而來  
乃湘也詢其地知爲藍關公遂足成一詩與同  
宿傳舍湘作詩云舉世盡爲利名醉吾今獨向  
道中醒他時定見飛昇去衝破秋空一點青乃  
出藥一粒與公曰服此可禦瘴也



韓

浦

唐唐末人與弟洎俱有詞學洎常輕浦曰吾兄爲文繩樞艸舍庇風雨而已吾之文直是

脩五鳳樓手浦聞之因人遺蜀牋題詩寄洎曰十樣鸞牋出益州新來寄自浣溪頭老兄得此

全無用助汝

添脩五鳳樓

韓

渥

唐字致光工詩高秀實云韓渥香奩集麗而無骨李端叔酷喜之誦其序云咀五色之靈

芝香生九竅咽三危之瑞露美動七情 昭宗

時以翰林承旨謫嶺表有詩云謀身拙爲安蛇

足報國危將將虎鬚滿世可能無默識

未知誰擬試齊竽其詞悽楚不忘君也

韓熙載

唐字叔言初舉俱死太 李晟曰釣大鰲者

不投取魚

卷五 韓

割雞之刀

嚴續嘗請韓撰其父神道碑以珍貨幾萬緡仍  
輟一歌鬟質冠洞房者爲濡筆之贈韓唯之文  
成但敘譜裔品秩略不道續事業續慊之封還  
尚冀改竄熙載直以向所贈及歌姬悉還之臨  
登車止寫一闕於泥金雙帶而去熙載罷中  
書多蓄婢妾以歌舞自娛謂僧德明曰吾爲此  
欲避入相耳僧問故曰中原擾亂一旦真主出  
棄甲不暇吾可作千古笑端熙載平生高簡自  
九江左稱韓

夫子諡文靖

韓

通

五代爲周天平節度使同平章事早朝未罷  
聞陳橋兵變通自禁中遑遽而歸謀帥衆禦  
之軍校王彥昇逐焉通馳入其第未入門爲彥  
昇所害妻孥力所堪矧卽位贈中書令厚葬之



韓

億

宋字宗夙與弟洎復徙居開封舉進士知永城縣有治聲遷侍御中丞時楊尚二美人以

罪斥去仁宗欲召復之億力言唐室之禍乃止  
布衣時與李若谷俱貧同試京師出謁更僕止  
一壇割而分之李先登第韓次之位皆至叅政  
億八子綱綜絳繹維縝緯緬絳維縝皆拜相  
世謂桐樹韓家蓋門有桐人因名之以別魏公  
也陸農師詩云棠棣中行排宰相梧桐名上識  
韓家仁宗朝叅大政卒諡忠憲 次子綜自西  
京倅歸省公置酒召僚屬坐間忽問綜曰聞西  
京有疑獄奏鞫者其詳云何綜未及對公呵之  
再問未能對遂索杖大詬曰爾爲朝廷一郡倅  
大辟尚爾含糊則細務不舉可知吾在千里猶  
能知之爾叨冒廩祿何顏報國必欲撻之衆賓

力解方已。億三子絳字子華神宗朝拜相弟  
維在翰林草制兄弟同時爲宰相近輔者三人  
衣冠之盛近世未有封原國公諡獻肅。億五  
子維字持國多深思以父輔政不試進士宰相  
薦其好古嗜學神宗時累官龍圖閣直學士知  
開封府上言諸縣團結保甲民驚擾安石惡之  
出知襄州尋召爲學士承天久不雨維言陛下  
憂憫災旱損膳避殿此乃舉行故事恐不足以  
應天變當痛自克己廣求直言因極言青苗及  
開邊之害帝感悟卽命維草詔詔出人情大悅  
是日雨元祐初赴闕哀臨太后勞問維對曰人  
情貧則思富苦則思樂困則思息鬱則思通誠  
能常以利民爲本則民富常以憂民爲心則民  
樂賦役非人力所堪者去之則勞困息法禁非



人情所便者蠲之則鬱塞通推此而誠行之則子孫觀陛下之德不待教而成矣太后深然之拜門下侍郎未幾忌者讒之出知汝州後坐黨籍納官而歸卒于家

韓

琦 宋字稚圭相州人年二十登進士第一唱名終太史奏日下五色雲見與范公在兵間最

久二公名重一時朝廷倚以爲重天下稱爲韓范邊人謠曰軍中有一韓西賊聞之心膽寒軍中有一范西賊聞之驚破膽公知泰州日嘗憂以手捧天者再其後歷相兩朝已先兆之夢矣爲定州安撫使時歲饑設法行賑全活者七百萬入五代以來學校久廢琦葺舍宇課儒生絃誦此之鄒魯公駐兵延安忽夜有人携匕首至臥內公起問是誰曰某來殺諫議又問

誰遣汝曰張相公魏公復就枕曰取我首去其人曰某不忍得諫議金帶足矣遂取帶去公亦不治此事公嘗夜作書令一卒持燭偶他顧燭燃公鬚公遽以手摩之而作書如故少頃回視則別易其人矣公恐主吏鞭之卽亟呼之曰勿易渠今已解持燭矣軍中感服公在魏府時有禁卒私逃數日而顧其母以至者軍中執之以見按法當死卒曰母老且病近在數舍間常恐不復見誠知擅去當誅得一見死無恨公惻然考核得實卽以便宜釋之軍中感泣有垂涕者公知大名府日有人獻玉盞二隻表裏無瑕公以百金答之每開宴召客特設一桌以錦衣置玉盞其上一日召守使飲且將用之酌酒勸坐客俄爲一吏誤觸倒其桌玉盞俱碎座



客皆愕然吏伏地請罪公神色不動乃對客曰  
凡物成毀皆有時數俄顧吏曰汝誤也非故也  
何罪之有坐客歎服英宗初立曹太后同聽  
政公欲太后撤簾還政乃取十餘事稟帝裁決  
悉當公卽詣太后覆奏后每事稱善公因白后  
求去后曰相公不可去我當歸深宮耳公曰前  
代馬鄧雖賢不免貪戀權勢今太后便能復辟  
誠馬鄧之不及未審決取何日撤簾太后遽起  
琦卽厲聲命鸞儀司撤簾簾旣落猶於御屏後  
見太后衣也初帝有疾內侍等煽惑兩宮遂  
成嫌隙公與歐陽脩同奏事簾前太后嗚咽流  
涕俱道所以琦與脩反覆勸解太后終未釋琦  
曰此病固爾病已必不然子病母可不容之乎  
臣等在外聖躬若失調護太后不得辭其責后

驚曰是何言我心更切也同列皆爲縮頸流汗  
後數日琦獨見帝帝曰太后待我少恩琦曰自  
古聖帝明王不爲少矣獨稱舜爲大孝豈其餘  
盡不孝哉父母慈而子孝此常事不足道惟父  
母不慈而子不失孝乃爲可稱但恐陛下事之  
未至耳父母豈有不慈者哉帝大感悟初任  
守忠建議欲立昏弱以邀大利及帝卽位又乘  
帝疾語言妄誕交構兩宮一日琦出空頭敕一  
道歐陽脩已簽趙槩難之脩曰第書之韓公必  
白有說槩不敢違旣而琦坐政事堂召守忠立  
庭下曰汝罪當死姑謫蘄州取空頭敕填與之  
卽日押行意以少緩則中變也其黨史昭錫等  
悉竄南方中外咸稱快焉琦安撫陝西時土  
疏切言青苗法不便畧曰陛下勵精求治若但



躬行節儉以化天下自然國用不乏何必使興  
利之臣紛紛四出以致遠邇之疑乞盡罷諸路  
提舉官依常平舊法施行帝袖其疏示執政曰  
琦真忠臣雖在外不忘王室朕始初意利民不  
意害民如此遂諭執政罷青苗法安石堅持不  
肯琦申辯愈切且論安石妄引周禮以惑上聽  
公在嘉祐時爲相曾公亮爲亞相趙槩歐陽  
脩參大政凡事關政令則曰問集賢典故則曰  
問東廳文學則曰問西廳至大事則自決人以  
爲得宰相體爲相十年光輔三后上曰侍中國  
之龜鑑歐公心服其德量嘗曰韓公臨大事決  
大議垂紳正笏不動聲色措天下於泰山之安  
可謂社稷之臣又曰累百歐陽脩何敢望韓公  
哉或問伊川曰魏公可學否曰魏公是間氣

焉可學英宗朝封魏國公神宗熙寧八年薨前一夕大星隕州治櫟馬皆驚帝自爲碑文載琦大節篆其首曰兩朝顧命定策元勲之碑諡忠獻徽宗朝追封魏王子四人忠彥粹彥純彥嘉彥忠彥徽宗初拜相召還流人進川忠讜之士臺諫庶司翕然稱爲得人但被姦黨所嫉不得久居朝耳初忠彥知定州州人語曰此相公子也吾曹可安枕矣嘉彥後亦拜相封儀國公

### 韓晉卿

宋字伯脩密州安丘人爲童子時日誦書數千言嘗以明經中第歷州縣政循吏課奏第

一元祐中爲大理卿持平考核無所上下士大夫間推其忠孝不以法家名之

### 韓世忠

宋字良臣延安人目瞬如電鷲勇絕倫以應募立功擒方臘討河北盜賊從高宗南渡平



苗傅劉正彥之亂累遷橫海武寧安化三鎮節  
度使初世忠駐軍青龍鎮金兀朮欲濟江世  
忠乃遣蘇德將百人伏龍王廟戒之曰聞江中  
鼓聲急出擊之兀朮至五騎趨廟中伏兵先鼓  
而出獲其兩騎旣而接戰江中世忠妻親執桴  
鼓敵終不得濟虜兀朮之婿龍虎大王兀朮懼  
請盡歸所掠以假道世忠以八千人拒兀朮十  
萬之衆金人自是不敢渡江矣張浚薦世忠  
爲京東淮東宣撫使屯楚州世忠披草萊立軍  
府與士同力役夫人梁氏親織箔爲屋將士有  
怯戰者世忠遺以巾幘故人人勵撫集流散通  
商惠工山陽遂成重鎮世忠在楚州十餘年兵  
僅三萬而金人不敢犯岳武穆被冤世忠心  
不平往詰秦檜曰莫須有三字何以服天下也

遂抗疏言秦檜誤國之罪檜諷言官論之世忠連章乞解樞柄請骸骨歸遂罷爲醴泉觀使進封福國公節鉞如故自是杜門謝客絕口不談兵時跨驢携酒從一二奚童遊西湖以自樂澹然自如若未有權平時將佐罕得見其面顯仁皇后自金還世忠詣臨平朝謁后在北方聞其名慰問良久世忠自號清隱居士孝宗隆興初追封蘄王諡忠武子三人彥直彥質彥古

彥直登進士第調太社令累官工部尚書兼知臨安府屢進讜言後以龍圖閣學士提舉萬壽觀卒封蘄春郡公嘗據宋朝事分爲類目名水心鏡凡百六十七卷

韓洙 宋字宗魯鉛山人海南黎安宿其家旣去遺囊金數十星宗魯謹識之未幾黎復至詰實



悉還之一無所取州以事聞詔賜束帛  
又事父母能竭其力鄉人稱為孝廉

韓大亨

宋玉山人紹興中進士有經世志嘗著續百  
將傳及周易集註乾道間上書剴切上覽而

異之除知德

興縣有惠政

桓

譙國宮音齊桓公宋桓公之後  
俱以諡為姓向魑亦稱桓氏

桓

譚

漢字君山沛國相人父成帝時為太樂令譚  
以父任為郎因好音樂徧習五經能文章尤

好古學光武即位拜議郎上疏陳時政帝欲以  
識決疑譚極言識之非經帝怒出為六安郡丞  
譚著書二十九篇言當世行事號新論又有賦  
誄書奏 楊子雲工賦王君大習劔桓欲從二

子學子雲曰能讀千賦則善賦君大曰能觀千劍則曉劍諺曰習伏衆神巧者不過習者之門

桓

景

漢隨費長房學長房謂景曰汝家九月九日當有災速令家人各作絳紗囊盛茱萸繫臂

登高飲菊酒可消此災景如言舉家繫囊登高飲酒及夕還家雞犬牛羊皆暴死房曰代之矣

桓

榮

漢字春卿沛郡龍亢人少學長安精力不倦建武中拜議郎授太子經累遷太子少傅車

駕幸太學會諸博士論難於前榮辯明經義每以禮讓相厭不以辭長勝人帝賜以輜車乘馬榮大會諸生陳其車馬印綬曰今日所蒙稽古之力也可不勉哉明帝卽位猶尊以師禮拜爲五更子郁字仲思忠厚敦篤學傳父業以尚書教授門徒常數百人郁當襲爵上書讓于兄



子不許悉以租入與之官至侍中授二帝經業  
門人楊震朱寵皆至三公 郁子叔元明經篤  
行二女適孫雋及李膺時謂二女俱乘龍言得  
婿如龍也 郁曾孫典字公雅舉孝廉爲郎靈  
帝朝拜侍御史常乘驄馬宦官畏之京師爲之  
語曰行行且止避驄馬御史三遷至羽林中郎  
將 典弟彬字彥林靈帝朝拜尚書郎與蔡邕  
齊名邕論彬有過人者四一夙智岐嶷二學優  
文麗三仕不苟祿四辭  
隆從菲乃樹碑而頌之

桓

寬

漢字次公汝南人治公羊春秋宣帝時舉爲  
郎累官廬江太守博通善文推行鹽鐵之議

者數萬言以究治亂成  
一家之法焉凡十六篇

桓  
彝

晉字茂叔榮九世孫有人倫識鑒拔才取士  
或出於無聞或得之孩抱時人方之許郭庚

亮每屬彝覓一佳吏部及至都謂亮曰爲卿得  
一吏部矣亮問所在彝曰人所應有而不必有  
人所應無而不必無徐寧真海岱清士因爲敘  
之遷吏部郎竟歷顯秩東晉初遷吏部郎後  
爲宣城內史蘇峻反彝起兵赴難長史裨惠以  
郡兵寡弱宜按甲以待彝厲聲曰見無禮於其  
君者猶鷹鷂之逐鳥雀今社稷危逼義無宴安  
遂進屯蕪湖峻陷建康彝進兵涇縣裨惠勸彝  
與峻通使彝斥之曰吾受國恩義在致死豈可  
與賊通問遂遣俞縱守蘭石韓晃之將敗或  
勸退軍縱曰吾受桓侯厚恩當以死報之吾之  
不可負桓侯猶桓侯之不負國也遂力戰而死



晃攻城城陷彝守節而死子冲字子幼性儉朴其妻嘗進新衣冲怒促持去復進之曰衣不經新何緣得故冲乃笑而服之宋武朝兄溫卒以其子熙才弱使冲領其衆代爲都督楊豫江州諸軍事冲盡忠王室符堅率兵入寇冲深以根本爲憂遣兵入援京師後除楊州刺史冲以謝安有重名以楊州讓之自領徐州力求外出桓氏族黨莫不苦諫冲處之恬然卒封豐城公諡宣穆子三人嗣脩謙兄豁六子石虔石秀石民石生石綏石康俱知名 嗣子胤有清操位至中書令 石虔字鎮惡有才幹趨捷絕倫從父於獵園中見猛虎被箭而伏諸督將素知其勇戲令拔箭虔往拔之得一箭猛虎跳虔亦跳高于虎身猛虎伏虔復拔一箭以歸從溫入關威

鎮敵人冲被符健所圍垂沒石虔躍馬赴之拔  
冲於數萬衆之中而還莫敢抗者時有病瘡者  
謂石虔來以怖之病多獲愈爲豫州刺史與謝  
玄率兵經略中原石秀幼有令名風韻秀徹  
博涉群書尤善老莊嘗獨處一室簡于應接時  
人方之庾純任西陽太守性放曠不以榮爵嬰  
其心善騎射發則命中常從冲獵登九井山徒  
旅甚盛觀者傾坐石秀未嘗屬目止嘯咏而已  
晉字叔夏有武幹標悟爲王濛劉惔所知嘗  
督豫揚二州軍事所至撫綏百姓賴焉與謝  
玄共破符堅於淝水以功進號右將軍封永脩  
縣侯伊性謙素不伐善音樂盡一時之妙爲江  
左第一得蔡伯皆柯亭笛嘗自吹之王徽之赴  
名京師泊舟清溪側伊素不與徽之相識時于

桓伊



岸上過船中客有識伊者稱伊小字曰此桓野王也徽之便令人謂伊曰聞君善吹笛試爲我一奏伊是時已貴顯素聞徽之名便下船踞胡牀爲作三調弄畢便上車而去客主不交一言

### 桓彥範

唐字士則狄仁傑薦之于朝彥範與袁恕已共薦陽嶠爲御史楊再思曰嶠不欲搏擊之

任彥範曰爲官擇人豈必待其所欲所不欲者尤須與之所以長難進之風抑躁求之路竟擢爲御史彥範與張柬之袁恕已敬暉崔玄暉等謀起兵討武氏之亂彥範以其事白其母母曰忠孝不兩全先國後家可也時太子起居於北門彥範等密陳其策遂率羽林兵五百人斬關而入誅易之昌宗於廡下太后驚起問之對曰易之等作亂臣已奏太子誅之太后謂太子

曰小子既誅可還東宮彥範進曰太子安得更歸昔天皇以愛子託陛下今年齒已長久居東宮天意人心久思李氏群臣不忘太宗天皇之德故奉太子誅賊臣願傳位太子以順天人之望太后從之中宗立除爲納言封譙國公未幾賜五人皆王爵太后崩五王皆被武三思所殺

桓

康

南北蘭陵人隨齊武帝起兵摧堅陷陣江南人畏之畫其形貌可禦瘧疾後封吳平縣侯

潘

榮陽羽音周文王畢公之子孫食采于潘因氏

潘

黨

周字叔黨楚大夫與養由基蹲甲而射徹七札焉以示楚王曰君有二臣如此何憂於戰

潘

璋

三國東郡發于人居貧嗜酒好賒沽積家至門輒言俟後豪富相還事吳主權屢平寇盜



有功官封右將軍瑋爲人麤猛禁令肅然領兵數千而所在常如萬人

潘京

晉字世美武陵人郡辟主簿有機辯後舉秀才至洛與尚書令樂廣共談累日廣歎其才

曰君天才過人若加以學必爲一代談宗京感其言遂勤學不倦時武陵太守戴昌父子亦善談俱爲京所屈歷巴丘郤陵泉陵三令明于政術道不拾遺

潘茂名

晉潘州人永嘉中入山遇二道士奕顧謂潘曰子亦識此否答曰入猶蛇竇出似鴈行道

士笑可其說因語以服食之法遂仙去

潘岳

晉字安仁滎陽人鄉邑號爲奇童才名冠世藻思如江濯錦綺而增絢累官中書令有西

征閒居等賦美姿容少時挾琴彈出洛陽道婦人皆投之以果滿車而歸累官太常卿封安昌公常爲河陽令滿縣種桃李故云河陽一縣花

潘

尼 晉字正叔岳從子尼少有清才與岳俱以文章見知性靜退不競唯以勤學著述爲事著

安身論以

明所守

潘

綜

晉烏程人孫恩之亂綜與父驃共走避驃困乏綜迎賊叩頭曰父年老乞賜生命賊斫驃

綜抱驃賊斫綜凡四創有一賊謂曰殺孝子不祥父子俱得免後以薦累官遂昌縣長宋元嘉中改其里曰純孝蠲租布三世



潘晃

唐廣德人事父至孝嘗以役事至京一夕夢祠山神告曰汝父病篤晃覺驚惶不已日夜奔走以歸一夕復夢神語曰汝父疾愈歸問其故果如夢中言後父卒廬墓側三年昭宗詔旌其門授

廣德令

潘師正

唐貝州宗城人少喪母廬墓以孝聞王知遠爲道士師正得其術居逍遙谷高宗幸東都召見問所須對曰茂竹清泉臣所須也山中不乏帝尊異之詔卽其廬作崇唐觀及營奉天宮又敕直逍遙谷作門南曰仙遊北曰尋真時太常獻新樂帝更名祈仙望仙翹仙曲卒年九十八贈大中大夫

諡體元先生

潘

展

唐常游江淮間自稱野客善劍術落托有太志常謁海州刺史鄭匡國匡國不甚禮館于

外廐一日從匡國獵匡國妻因詣廐中覘展棲泊之所唯破榻竹籠而已籠中有錫彈丸二顆餘無所有展還發籠視之大驚曰定爲婦人所觸幸吾攝其光芒不爾頸落矣閤人異之以告匡國匡國密召問曰先生其有劍術乎曰素所習也曰可一觀乎曰可當齋戒三日得平曠之地請試之匡國如期召展俱至東城展乃探囊出二錫丸俄出烝如白虹旋繞匡國頭上有聲錚然匡國懼汗如雨下謝曰先生神術固已知之幸收其威靈展笑舉一手二白氣復貫掌中少頃仍爲二錫丸自此匡國甚敬重之後不知所終



潘美

宋字仲詢大名人少倜儻有大志仕周以功遷客省使宋太祖受禪陝帥袁彥兇悍美往諭以天命彥遂入朝自後平澤潞楊州下江南廣東討雲代皆有功累官忠武軍節度使同平章事封代國公卒諡武惠

潘

閬

宋字逍遙江都人嘗居洛陽賣藥暇日負囊騎驢看山行吟意有所適終日弗返好事者

因繪圖以觀焉孫僅魏野皆有詩贈之至道初有言其能詩者因召見崇政殿賜進士及第授四門國子博士後坐盧多遜黨變姓名縉服入中條山嘗題詩鐘樓句奇崛僧疑而迹之逸去朝廷捕治方急閬度不免出首謫信州移太平結廬郡治西南瀕溪居焉吟咏不輟詩苦淡清

勁劉攽謂其不減劉長卿後不知所終 嘗作  
苦吟詩云髮任莖莖白詩須字字精貧居詩云  
長使詩無病

不憂家更貧

潘

盜

宋蒼梧人常儒衣持一大嬰行坐獨語皇祐  
中儂賊陷邕至梧城下聞其異名而問曰吾

形貌如何盜曰汝一賊爾又曰梧州幾日可陷  
曰百年亦不陷又曰我欲據此以爲南粵何如  
曰汝將斬首豈能有  
粵邪賊怒遂害之

潘

谷

宋精墨法山谷嘗以錦囊貯其墨半丸後飲  
酒三日發狂赴井死人下視之跌坐井中手

尚持數珠也坡詩云一朝入  
海尋李白空看人間畫墨仙



潘大臨

宋字邠老黃岡人與弟大觀皆有詩名與蘇軾黃庭堅張來游山谷嘗稱曰天下奇才謝

無逸嘗問有新詩否曰

秋來景物件件是佳句

潘

懷

宋字景進壬辰兵亂懷父希古被寇縛索貲貨露刃脅之懷爭前曰貧家無所有有則貲

不重於父將軍必欲逞怒懷請代父寇試之卽引頸遂併釋之後被薦入官

潘

兌

宋字說之自進士累官中書舍人歷顯謨閣待制知洪州不登朱勔之門勔護喪歸亦不

往見路允迪稱其言語文章一本六經之醇毅然有守終無玷缺與從子民瞻有倡和詩集

潘

殖

宋字子醇浦城人大觀中兩以鄉薦上禮部不偶建炎戊申始以累舉除官調真州推官

性嗜學不倦嘗悟新學之非于是述忘荃書五  
卷理性書九篇自號浩然子劉勉之劉子翬皆  
喜其書子翬跋其後

極稱其得易門戶

潘汝一

宋字古玉海陵人淹貫經史善文章建炎中  
許容攝州事迎虜西郊汝一不食數日所親

強之乃起虜遣人誘之乃罵曰吾生于宋死于  
宋闔門爲忠義鬼含笑入地矣後以進士名次  
得官更

歷州縣

潘

翼

宋字雄飛處州青田人貫穿諸子百家之書  
凡禮樂制度與夫傳註箋疏雜說靡不淹通

明天文作皇圖證驗休祥畢應又著九域賦凡  
山川州里遠近與嘗親歷者言無少異括隱僻



字補註篇韻遺漏辯爾雅本艸名物訓釋舛誤尤工古文記問橫臆動輒數千言邑之聞人登科者多出於其門王公十朋自少從游每歎不能竟其學

潘

脩

宋字文叔萍鄉人年十七領鄉舉入京獻書宰相張浚浚奇之隆興初以累舉特奏名時

高宗方圖恢復脩謂中興與創業同宜法太祖乃稽求國史類錄爲太祖聖謨纂要及陳時務六事後參廣西軍事討平洞賊李楫著鬱林紀事一篇又上言廣通販鹽法事宜與當國者異竟格其賞不行致仕弟偃不仕著葛藟古義五十卷

潘友文

宋字文叔東陽人朱熹呂祖謙皆與友善開禧初知崑山縣寬慈愛人人呼爲潘佛子

潘 柄

宋字謙之候官人年十六有志于道朱熹悉以所學授之平生多著述如易解尚書解之

類號瓜山先生卒

祠于三山書院

安

武陵商音安息王子入侍遂爲漢人

安期生

秦瑯琊人賣藥海上虎抱朴子秦皇請見與語三日夜賜金璧萬數出阜鄉亭皆置之而

去留書以赤玉舄一兩爲報曰後千歲求我於

蓬萊山下廣州有菖蒲澗安期所餌也郭祥正

詩云菖蒲澗中生九節流水遂作菖蒲香安期

服之已仙去謾說兩舄留秦皇 安期生道術

皆河上丈人所傳河上丈人不知姓名明老子

之術著老子章句戰國時馳說之士咸以權勢



相傾唯丈人隱身脩道而不虧爲道家之宗

**安金藏**

唐武后時或有誣皇嗣反者后命來俊臣鞠時金藏爲太常工人大呼謂俊臣曰公旣不

信金藏之言請剖心以明皇嗣不反卽引佩刀自剖其胸五臟皆出太后令輶入宮傳以藥經宿始蘇嘆曰吾有子不能自明使汝

至此卽命俊臣停推睿宗由是得免

**安重誨**

五代應州人唐明宗時官至中書令時有獻嘉禾白鸞白兔者皆却而不獻務盡忠補過

人皆

稱焉

**安重榮**

五代朔州人善騎射晉高祖卽位拜成德軍節度使重榮雖武夫而曉吏事時高祖與契

丹約爲子重榮以爲詘中國以尊夷狄此萬世之耻也 子德裕字燕之性介潔博貫群史精

于禮傳宋初舉進士甲科累官金部郎中出知睦州還判太府寺有集四十卷

### 安昌期

宋皇祐中舉進士調橫州永定尉去官不仕放浪山水間至清遠峽山寺遊和光洞數日

不返僧疑爲虎所食求之洞前見石壁上有詩曰蕙帳將辭去猿猱不忍啼琴書自爲樂朋友孰相携丹竈非吾藥青雲別有梯峽山予暫隱人莫擬夷齊

### 安民

宋長安石工也崇寧間頒蔡京所書元祐黨碑刻石于州縣令監司長吏廳皆刻石安民

時應役辭曰民愚人固不知立碑之意但如司馬相公者海內稱其正直今謂之姦邪民不忍



刻也府官怒欲加之罪民泣曰被役不敢辭乞免鑄安民二字于石末恐得罪後世聞者愧之

樂

西河徵音唐叔虞之後晉靖侯孫賓食采樂邑因氏焉

樂

書

周字武子晉大夫成公二年伐齊而歸公勞之對曰士用命也書何力之有焉

樂共子

周晉武公伐翼殺哀侯謂共子曰苟無死吾令子爲上卿辭曰民生於三事之如一父生

之師教之君食之故一事之唯其所在則致死焉從君而二君焉用之遂鬪而死子枝事文

公爲大夫將下軍

趙衰讓之爲卿

樂

布

漢梁人彭越爲家人時嘗與布游及越爲梁王請布爲大夫越被誅梟首洛陽下令曰敢

有收視者輒捕之時布使於齊還奏事收越頭  
祠而哭之吏捕以聞上欲烹之布曰願一言而  
死方上之困於彭城敗於滎陽越一顧與楚則  
漢破與漢則楚破今天下已定彭王剖符受封  
亦欲傳之萬世今陛下因徵兵王病未至而陛  
下誅滅之臣恐功臣人人自危也今彭王已死  
臣生不如死請就烹上壯其義拜爲都尉後吳  
楚反布以功封鄢侯燕齊之間皆爲立社號樂  
公社

樂

巴

漢字叔元成都人桓帝朝四遷桂陽太守定  
婚姻之禮興立學校有道術能役鬼神帝正  
旦大會群臣賜酒不飲忽舍酒西嚙有司劾巴  
不敬巴云臣本縣城東有火患故嚙酒以救之



數日成都果奏火災云是日火有雨從東北來火息有酒氣

樂

肇

晉撰論語駁三卷釋疑十卷任尚書令

樂文博

南北長安宿儒有門徒數千人

檀

清河姜姓齊公族有食瑕丘檀城因以爲氏又望出平盧高平

檀

子

周齊臣威王與魏王會田于郊惠王曰齊有寶乎威王曰無惠王曰吾有徑寸之珠照前

後各十二乘者十枚豈以齊大國無寶乎威王曰寡人之臣有檀子者使守南城則楚人不敢

爲寇泗上十二諸侯皆來朝又有盼子守高唐黔夫守徐州種首捕盜賊此四臣者固將照千

里豈特十  
二乘哉

檀

弓

周魯人  
見禮記

檀

敷

漢瑕丘人家貧而行清立精舍教授遠方至  
者數百人仕至蒙令家無產業子孫易衣而

出後舉方正遷議郎

黨人八及之一也

檀道濟

南北高平人仕宋參建武將軍府事遷太尉  
參軍從武帝征洛陽獲秦人四千餘議者欲

盡坑之道濟曰弔民伐罪正在今日皆釋而遣  
之夷夏感悅所至望風降附封丹陽公文帝卽  
位進爵司空領兵伐魏所戰皆捷食盡引還有  
亡卒降魏具告以食盡魏人追之衆洶懼將潰



道濟唱籌量沙以所餘少米覆其上及旦魏人  
視之見道濟資糧有餘以降者爲妄斬之道濟  
全軍而反道濟立功前朝威名甚重朝廷疑  
畏之下詔誅之道濟見收憤怒目光如炬脫憤  
投地曰乃壞汝萬里長城魏人聞之喜曰道濟  
死吳子輩不足憚矣子二人臻珪子珪字伯  
玉王僧虔以爲參軍求祿不得與書曰蟬腹龜  
腸爲日已久饑彪嚇人遽與之肉餓麟不噬誰  
爲落毛僧虔乃  
表爲安成郡丞

檀道鸞

南北字萬安位國子博士永嘉太  
守亦有文學撰晉續陽秋二十卷

檀

翥

南北字鳳翔十歲喪父志清介幼孤寒不與  
鄰人來往好讀書能屬文又精于琴年十九

以舉孝子仕北  
魏爲中書舍人

干  
潁川徵音宋大夫干  
犇之後又望出榮易

干吉  
三國瑯琊人精脩苦道忽得痼疾晨夕告天  
誠感老君令仙翁授吉經曰非但愈疾當得

長生化行天下吉得之疾遂除凡消災治病無  
不立驗後孫策將士多病請吉嚶水卽瘥策惡  
之會天久旱乃縛吉暴日中卽大雨策忌而殺  
之竟失其尸周旋人間復百餘年後竟仙去宮  
高師事吉服雲母數百歲面

色如童後入紵嶼山仙去

干寶  
晉字令升新蔡人徙嘉興博覽強記以才器  
聞名爲著作郎著晉紀三十卷直而能婉咸



稱良史作搜神記三十卷以示劉惔惔曰卿可謂鬼之董狐撰春秋左氏外傳註為始安太守  
干大本晉姓許旌陽族也得仙道改姓干夫妻偕隱西山下夫詩云自從明府昇仙後出入塵寰  
直至今不是戴名問時俗賣柴沽酒貴無心妻  
詩云醉舞狂歌踏落花綠羅裙帶有丹砂往來  
城市賣生藥那  
個西山是我家

官

東陽  
商音

官

鑑

宋朱文公石鼓書院記云蘇侯詡官侯鑑皆齋金幣割公田以佐其役

乾

見姓  
苑

乾思彥

唐性倜儻賀遂亮贈以詩云志氣百年內平生一寸心欲交天下士未面已虛襟

蘭

中山宮音鄭穆公名蘭其支庶以王父字爲姓

蘭

欽

南北字休明中昌魏人有謀略武勇進號智勇將軍爲衢州刺史屢有惠政甚得民心

蘭宗周

唐撰水氣畧三卷

寒

潯陽周武王寒侯之後以國爲氏又望出潁川

寒泉子

周秦惠王謂寒泉子曰蘇秦欺寡人欲以一人之智反覆山東之君合從以欺秦寡人忿然含怒日久吾欲使武安子起往諭意焉寒泉子曰不可夫攻城墮邑請使武安子善我國家



通好諸侯請使客卿

秦惠王曰敬受命

寒

朗

漢字伯奇魯國薛人舉孝廉官侍御史章帝時考察楚獄理出千餘人累遷至太尉

寒

貧

南北字德林安定人建安初客三輔常讀老子五千文及諸內書晝夜吟咏不絕口後漢

中破還長安遂癡愚問其姓名口不言因號曰寒貧

邗

邗

子

周蜀人好道往來蜀山百餘年

冠

姓苑云吳人鶚冠子之後又云去聲

冠崇重

南北著本州  
衍義十卷

十五山

顏

魯國商音魯伯禽支庶食采  
于顏以邑爲氏又望出瑯琊

顏丁

周善居喪  
見禮記

顏無繇

周字路魯人孔子弟子孔子始教于闕里而  
授學焉後世累封曲阜侯子回字子淵孔

門弟子天資明睿聞一知十少孔子三十歲家  
貧一簞食一瓢飲人不堪其憂回不改其樂孔  
子問回家貧屈卑胡不仕乎對曰回有郭外之  
田五十畝足以給飢粥郭內之田十畝足以爲



絲麻鼓琴足以自娛所學夫子之道者足以自  
樂也回不願仕回願貧如富賤如貴無勇而威  
與士交通終身無患難亦且可乎孔子曰善哉  
回也夫貧而如富其知足而無欲也賤而如貴  
其讓而有禮也無勇而威其恭敬而不失於人  
也終身無患難其擇言而出之也若回者其至  
乎雖上古聖人亦如是而已孔子厄於陳蔡之  
間仲由有愠言回曰夫子之道至大天下莫能  
容雖然夫子推而行之世不能用有國者之醜  
也夫子何病焉不客然後見君子嘗問孔子曰  
夫子步亦步也夫子趨亦趨也夫子言亦言也  
夫子辯亦辯也夫子馳亦馳也夫子言道回亦  
言道也及奔逸絕塵而回瞠若乎後矣 夫子  
北遊於農山回與子路子貢辯志曰回聞薰蕕

不同器而藏堯桀不共國而治以其類異也回  
願明王聖主而輔相之敷其五教導之以禮樂  
使民城郭不脩溝池不越鑄劔戟以爲農器放  
牛馬於原野室家無離曠之思千歲無鬪爭之  
患則由無所用其勇而賜無所用其辯夫子凜  
然曰美哉德乎不傷財不害民不繁詞則顏氏  
之子有矣 回問爲邦夫子曰行夏之時乘殷  
之輅服周之冕樂則韶舞子曰用則行舍則藏  
惟我與爾有是夫又曰吾見其進也未見其止  
也年二十九髮盡白三十二而卒孔子哭之慟  
曰天喪予葬曲阜縣防山東南二十里謂之顏  
林漢高帝時配祀孔廟唐贈兗國公元贈復聖  
公爲四  
配之首



顏之僕

周魯人孔子弟子銳志尊道後世追封宛句侯

顏高

周魯人孔子弟子得其微言後世追封雷澤侯

顏噲

周魯人孔子弟子志存正大後世追封高唐侯

顏闔

周魯人守道不仕魯君遣使致幣闔曰恐聽誤而遺使者罪不若審之使者還問復來求

之則不得矣

顏叔子

周魯人獨處一室夜大雨比舍屋崩一女子趨而投之叔子使執燭于手燭盡焚燎以繼

至明不二其志其篤行如此

顏

辛

周魯人孔子弟子學業有就後世累封陽穀侯

顏

蠋

周齊人隱居不仕嘗言處窮方其藥有四一曰無事以當貴二曰早寢以當富三曰安步

以當車四曰晚食以當肉東坡云若此可謂巧于處窮矣齊景公遊海上而樂六月不歸令

左右曰敢有先言歸者死蠋進曰君樂治海不樂治國彼若有治國者君安得獨樂此海乎景

公悟

遂歸

顏

烏

漢會稽人事親孝父亡負土成墳群烏銜土助之其吻皆傷因以名縣

顏

駟

漢龐眉皓髮爲郎武帝輦過郎署帝問何老也對曰文帝好文臣好武景帝好美臣貌醜



陞下好少臣已老是以  
三世不遇上拜爲都尉

顏

舍

晉字弘都瑯琊華人少有操行以孝聞仕至  
侍中加光祿大夫王丞相名位隆重百僚欲

爲降禮馮太常以問舍舍曰王公雖貴重禮無  
偏敬降禮之言或是諸君事宜鄙人老矣不識  
時務旣而告人曰吾聞伐國不問仁人向馮祖  
思問佞于我我其有邪德乎 郭璞過舍欲爲  
之筮舍曰年在天位在人脩已而天不與者命  
也守道而人不知者性也自有性命無勞著龜  
舍兄畿客死其婦夢畿曰我未應死爲醫所  
悞可急開棺舍時尚小力請父發棺尚有餘息  
舍旦夕營視不出戶者十三年而畿始卒嫂哭  
喪明藥須蚺蛇膽舍遍求之不得忽有童子持

一青囊授舍開視之乃蛇膽也童子卽化青鳥而去

顏延之

南北字延年文章冠絕當世與靈運齊名鮑照曰謝五言如初發芙蓉公詩如鋪錦繡亦

雕績滿眼江左稱顏謝宋文帝嘗召之不見但于酒店狂歌了不應對他日醉醒乃見帝問諸子才能對曰竣得臣筆測得臣文奐得臣義曜得臣酒何尚之曰誰得卿狂曰其狂不可及性激直所言無忌諱論者謂之顏彪孝武加金紫光祿大夫子竣從武帝討逆劬以功封右將軍貴重無比凡所資供延之一無所受布衣茅屋蕭然如故嘗乘羸牛笨車逢竣鹵簿卽屏往道側嘗語竣曰吾平生不喜見要人今不幸見汝竣起宅延之曰善爲之無令後人笑汝拙也



延之嘗早詣竣見賓客盈門竣尚未起延之怒  
曰汝出糞土之中升雲霞之上遽驕佚如此其  
能久乎後竣竟  
爲宋主所殺

顏

髦

南北字君道顏回二十八代孫惇學行父喪  
在殯隣家失火髦與二弟謙約抱棺叫號慄  
慄垂至忽雨頓絕時人以爲孝感  
歷太尉至黃門侍郎卒謚曰定

顏見遠

南北博學有志行仕南齊爲御史中丞及梁  
武帝受禪見遠發憤不食數日而卒帝聞之  
曰我自應天順人何預天下  
士大夫而顏見遠乃至如此

顏

協

南北字子和臨沂人顏子三十四世孫少以  
器局稱博涉群書工于艸隸飛白不求顯達

恒辭徵辟僅爲梁湘東王記室而已子之推  
字子分博識才辯當待詔文林館遷散騎侍郎  
齊亡入周爲御史上士開皇中召爲文學深見  
禮重尋以疾終有文集三十卷家訓二十篇並  
傳于世

顏孝初

唐永春人力學起家嘉祐中第進士初廷對  
有陞黜孝初凡兩中南宮以文名世尤長于

詩人爭誦  
之官祕書

顏

籀

唐字師古瑯琊臨沂人顏子三十七世孫性  
簡峭視同輩傲然唐初爲祕書監校定經史

注班固西漢書脩五禮當時典策皆出其手進  
子爵銀青光祿大夫弘文館學士時人稱爲顏



秘書弟相時爲瀛洲學士通儒高行以學聞  
諫議有諍臣風師古死不勝哀而于次弟勤

禮亦爲弘

文館學士

顏元孫

唐字韋脩顏子三十九世孫年十歲試石榴  
賦立就嗣聖初舉進士歷官太子舍人玄宗

出諸家書跡數千卷令定真偽元孫分別以進  
帝悅遷滁州刺史終朝散大夫上柱國

子杲卿字昕之爲常山太守安祿山反杲卿起  
兵討賊河北諸郡響應賊引兵至杲卿舉兵纔

八日以守具未備城陷爲賊所執祿山曰吾擢  
汝爲太守何所負而叛杲卿瞋目罵曰我爲國

討賊恨不斬汝何謂叛也汝營州牧羊羯奴耳  
豈從汝叛耶祿山怒命縛之天津橋柱節解以

肉啖之杲卿詈不絕口賊鉤斷其舌曰復能詈否杲卿含糊而絕顏氏死者三十餘人

### 顏真卿

唐字清臣博學王詩事親以孝聞開元中遷監察御史使河隴時五原有寃獄久不決天

旱真卿辯獄而雨郡人呼爲御史雨爲平原太守祿山反公獨倡義討之元宗嘆曰河北二十四郡無一人忠臣邪及聞真卿討賊曰朕不識真卿作何狀乃能如是李希烈反朝廷使大臣往陳禍福盧杞素憾真卿舉之行詔下滿朝失色真卿至東都希烈欲脇之降真卿叱曰汝知有罵賊而死顏杲卿乎乃吾兄也吾知守節而死耳何必多端希烈乃謝之後朝廷誅希烈弟希清希烈怒乃遣中使至蔡州縊殺之年八十歷相四朝忠直孝友羽儀王室故詩評云千



百五年如烈日二十四郡惟一人位太師封魯  
國公謚文忠兄春卿子二人種碩初公之  
往諭希烈內外知公不還親族餞于長樂坡公  
曰吾蚤遇道士曰陶八入授以刀圭碧霞丹至  
今不衰老又云七十有厄吉他時待我于羅浮  
山得非今日之厄乎公至大梁希烈縊殺葬于  
城南希烈敗家人啟經見狀貌如生徧身金色  
後有商人至羅浮山見二道士圍棋一道士曰  
何人至北答曰小客洛陽人道士笑顧曰奉寄  
求書至北山顏家商人回顏家子孫得書驚曰  
此先太師筆也書法蠶頭馬尾真得仙矣徑往  
羅浮尋之竟無踪跡後白玉蟾云真卿今爲北

極驅邪

院判官

顏標

唐寒士也咸通中鄭薰主試錯認爲魯公之後以爲狀元無名子嘲之云主司頭腦大冬

烘錯認顏

標作魯公

顏泉明

唐彭州長史家貧居官廉而孤藐相從百口飯粥不給無愠色

顏太初

宋彭城人顏子四十七世孫少博學有雋才慷慨好義而詩多譏切時事孔聖祐卒罷襲

封太初作詩以諷在位遂以聖祐弟襲封文宣公復中進士累官國子監說書所著有深南子

鳧繹集及淳曜聯英

集子復爲奉議郎

顏唐臣

宋龍溪巨族里有綠石渡潮平可舟潮退則渾行者病焉唐臣乃于北涯輦土填淤鞭石



爲隄從地跨石長二千八百七十尺爲垂虹亭以憇涉者子敏若復築南堤至新亭凡一千九百尺歲久淤深其孫戴復砌石增高行者便之昔嘗有謠云渡不難待三顏此其驗也里人爲之立

祠

顏

度

宋字魯子充公五十三世孫居崑山以文章政事名一時歷臨海令民有去思拜監察御

史歷祕閣脩撰孝宗時度每出

一言不動如山因以如山自號

山

河南商音周山師掌山林之官以官爲氏風俗通云列山氏之後

山

冰

漢黃門令與太傅陳蕃同坐黨

山

濤

晉字巨源河內懷人器量不群少與阮籍爲竹林遊武帝朝爲吏部尚書甄別人物各爲

題

目時稱山公啓事累官至僕射加侍中謚康

侯

初羊祜與武帝謀伐吳濤曰自非聖人外

寧必有內憂釋吳以爲外懼豈非算乎人服其

遠識王戎目之爲璞玉渾金人莫知其器 濤

雅與嵇康善康臨刑謂子紹曰巨源在汝不孤

矣 長子簡字季倫性溫雅有父風仕爲征南

將軍鎮襄陽每出遊習家池上置酒輒醉而歸

名之曰高陽池時有兒童歌以嘲之簡子遐仕

至東陽太守 濤子謨字季長明慧有才志

官至司空兄該并州刺史淳允奉車騎都尉

山謙之

南北撰吳興統紀十卷  
分吳會丹陽三都三卷



山玄卿

唐名不傳世唐時有夢人遺新宮銘題曰新宮宏宏崇軒轅轅末云紫陽真人山玄卿撰

山

圖

唐隴西人少好乘馬馬蹋之折脚遇山中道人教之服地黃當歸羌活獨活苦參散服之

一歲而不嗜食脚愈身輕復遇道人言能隨吾使汝不死圖即隨之遍游名山踰六十年一旦

歸家正值母死葬畢

復去遂莫知所之

班

扶陽徵音楚叔敖孫令尹子文爲虎乳楚人謂虎班其子名鬬班因氏

班

壹

周秦人避地樓煩生孺孺生長長生稚稚生彪彪班固之父也壹曾孫稚漢哀帝時爲

廣平太守

稚子彪字叔皮沉重好古初事竇融勸融歸漢光武初舉茂才拜徐令所著有王

命論及賦論奏事凡九篇家有賜書好古之士  
自遠方至父黨揚子雲以下莫不造門彪長  
子固字孟堅九歲能文及長博通載籍明帝時  
典校祕書纘成父所著西漢書及作兩都賦與  
頌記若干卷次子超字仲升少有大志不脩  
小節家貧傭書養母嘗投筆歎曰大丈夫無他  
志略猶當效傅介子張騫立功異域以取封侯  
安能久事筆研間乎左右笑之超曰小子安知  
壯士之志哉有相者見而奇之曰虎頭燕頤飛  
而食肉萬里封侯相也明帝朝竇固命超使鄯  
善王王禮敬甚備後忽疎慢超謂其屬曰此必  
有北虜使者來明者覩未萌况已著邪若不入  
虎穴安得虎子乃會三十六人夜斫虜營斬其  
使鄯善王大驚納子爲質竇固奏其功并求遣



使使西域帝曰吏如班超何故不遣而更選乎  
以超爲司馬使于寘國於是諸國皆遣子入侍  
章帝拜超將兵長史以徐幹爲軍司馬令李邑  
護送烏孫使者邑不敢前因上書毀超擁愛妻  
拘愛子安樂外國無內顧心超歎曰身非曾參  
而有三至之讒恐見疑於當時矣遂去其妻帝  
知超忠乃切責邑令受超節制超卽遣邑將烏  
孫侍子還徐幹曰邑前毀君今不可遣超曰內  
省不疚何卹人言快意留之非忠臣也和帝朝  
以年老乞歸久之未報其妹曹大家復爲超上  
書臣不敢望到酒泉郡但願生入玉門關帝乃  
以任尚代超爲都護尚見超請教超曰君性太  
嚴急水清無大魚察政不得下和宜蕩佚簡易  
寬小過總大綱而已尚私謂所親曰我以班君

當有奇策今所言平平耳尚後杲失邊和如趙  
言 趙姊昭字惠姬適曹世叔世叔亡和帝召  
入宮令皇后貴人皆師事之號大家作女誡七  
章兄固著漢書未就死詔昭踵而成之 趙子  
勇有父風和帝時匈奴殺漢吏太后召勇問之  
勇請復置都護通西域以拒北匈奴詔從其議

**班嗣脩**

漢儒學尤貴老莊桓生借其書嗣脩報曰若  
莊子者絕聖棄智脩生保真漁釣于一壑棲

遲于十丘不結聖人之網不襲驕君之

餌今子既繫轡于世故何用大道爲

**班景倩**

唐自採訪使入爲大理少卿過大梁刺史倪  
若水餞之立望其行塵久之乃返謂官屬曰

班生此行  
何異登仙



班肅

唐貞元中高郢知貢舉擢肅第一柳子有送歸序

關

隴西商書夏桀大夫關龍逢之後又尹喜爲關吏亦以關爲姓又望出東海

關龍逢

夏以諫桀而死相傳爲今安邑人

關

羽

三國字雲長解人與劉玄德誓同生死曹操進兵擊下邳困羽使張遼說之降羽表三約

以明已志操從之封羽爲漢壽亭侯時備甘糜二夫人亦爲操所獲操欲亂其臣主之義使羽與二夫人共室羽避嫌秉燭侍立至天明袁紹遣大將顏良戰曹操操使張遼關羽先登擊之羽望見良麾蓋策馬刺良於萬軍之中斬其首而還紹軍奪氣初操壯羽之爲人而察其

心神無久留之意使張遼問之羽歎曰吾極知  
曹公待我厚然吾受劉將軍恩誓以共死不可  
背之吾終不留要當立效以報曹公乃去耳遼  
以羽言報操操義之及斬顏良盡封其所賜拜  
書告辭而奔劉備於袁軍左右欲追之操曰彼  
各爲其主勿追也羽嘗爲流矢貫左臂後瘡  
雖愈每陰雨卽痛醫者華佗曰矢鏃之毒入骨  
須割開洗去其毒以藥線縫之庶永無患羽伸  
臂命鑿之血流淋漓羽割炙飲酒自若後劉  
備卽帝位拜前將軍假節鉞鎮荊州率衆攻曹  
仁於樊城擒于禁殺龐德自許以南往往遙應  
羽威震華夏孫權嘗遣使求婚於羽羽罵其  
使不許昏權憾之後用呂蒙計伏兵船中以白  
衣搖櫓作商賈人服襲破荊州羽還保麥城因



遁走至章鄉與其子平俱爲呂蒙將馬忠所獲  
遂被害 子興後爲龍驤將軍全備領兵報讐

### 關文衍

南北爲散騎常侍畫九華山圖于白綾半臂  
號九華半臂白云令吾此身常在雲泉之內

### 關康之

南北字伯愉河東人性清約獨處一室希與  
妻子相見顏延之及一時諸名士嘗入山候

之見其散髮被黃巾帔席松葉枕白石而臥了  
不相盼延之等咨嗟而退徵辟一無所就弟子  
以業傳授尤善左氏春秋所撰有禮論  
齊高帝絕愛賞之臨崩遺詔以入立宮

### 關

#### 魯

宋以進士起家盡力於官歷守池冶兩州爲  
尚書郎年八十歸老錢塘陳襄作鴻飛詩送

之八子景茶景元景仁希聲杞景山景宣景良  
皆學行脩立以進士同升者五人後相繼第進

士又三人景元能其官景仁字彥長性多能鍾  
律歷數草隸圖畫無所不學尤長於詩子四人  
澥淳演注皆舉進士景仁第四子注字子東登  
紹興五年進士第嘗教授湖州與胡瑗之孫滌  
裒瑗遺書得易解中庸義藏之學宮又錄瑗言  
行爲一帙汪藻爲之序官至太學博士卒注號  
香巖居士有關  
博士集二十卷

環

楚有環烈  
子孫氏焉

環

濟

漢博士撰  
要略十卷

尚友錄卷五

終



尚文新錄正

天而

步下

上

正

十











